

Q.

SALAMAN
DRAM
adstante

M.D.G.MOLLER

Poson stung fish
et Metaphys Prof
defendet

Joh. Paul WURFF

Norib Med

A. L. D. ORTE

A. R. M. do. loc. ex.



44/572v

147

Q. D. B. V.
DISSERTATIO HISTORICO-PHYSICA
De Quæst:
An animalia in igne generentur, vel
vivant,
Et in Specie
DE
PYRAUSTA ET SA.
LAMANDRA,
Quam
Divinâ permittente gratiâ
&
Consentiente Inclutâ Facultate Philosophica
in alma Tiliarum
P. P.
P RÆS E S
M. BENEDICT'US HOPFERUS;

Altorffinus,
ET RESPONDENS
VALENTINUS Schmidt / Svinf. Fr.

Ad d. XV. Novembr.

H. L. Q. C.


53.

LIPSIAE,
TYPIS JOHANNIS WITTIGAU,
M. DC. LXII.

38.

472.

UNIVERSITY OF LONDON
WARBURG INSTITUTE



The Warburg Institute Digital Collection

for study purposes only

PROOEMIUM.

Dum solicitus sum circa thema publicæ ventilationi subjiciendum, allicit me in sui contemplationem ignis, cuius natura à natura cæterorum corporum simplicium nō parùm distans insignem dignitatem ei præ reliquis Elementis conciliare videtur. Cujus intuitu gentes olim quasdam ignem pro Deo coluisse, perivasum mihi habeo. Hujus Tractationem aggressus in vastum quoddam mare deferri mihi visus sum, in quo quantò plus proficerem, tantò plus proficiendum restaret. Tot enim præstantissimæ qualitates, quibus velut ornamentiis quibusdam superbit hoc elementum, si accurate illustrandæ, examinandæ atque enucleandæ sint, quantum temporis, quantum laboris & industriæ, quantum judicii requirant, quis est, qui non perspiciat? Missis itaque, quæ in universum de natura ignis dici poterant, ea saltem proponere, quæ ignis αγορίαν sive sterilitatem concernunt, in animum induxi. Subiit mihi admiratio, (quæ & aliæ prima ḡ φιλοσοφῶν causa perhibetur) cur non, sicut in aqua, terra & aëre, ita etiam in igne animalia generarentur. Deprehendi, ignis naturam id non admittere. Obstabant tamen bestiolæ pennatae, quas in igne nasci retulit Aristoteles, cuius cùm textum evolverem, incidi in Salamandram, de qua idem refert, quod in igne non absumatur. Utramque historiam ex aliis Scriptoribus illustratam, pro modulo ingenii discussam sisto hac Dissertatione, quam dicere posses Commentarium ad nonnulla verba Aristoteles l.5. hist. Anim. c.19. Quamvis enim alii quoque Scriptores animalia pyrigona & pyribia legentibus obtrudere conati sint, plerique tamen Aristotelem secuti videntur. Hunc ipsum itaque, sive potius ejus relationem, ejusque Patronos, partim Autoritate, partim rationibus refellere constitui. Constat autem Dissertationis hæc tribus Capitibus. In primo statum Controversiæ proponimus, & questionem nostram ab homonymia liberamus: in secundo, quid varii scriptores de animalibus Igneis, & in specie de pyraustis & Salamandra circa hanc materiam scripserint, adducimus; In tertio oppositas Autoritates discutimus, rationes convellimus, & ita veritatem detegimus,

CAPUT I.

In Quæst. pro-
pos.
Intelligitur. §. 1. Solenne quibusdam est, iis præfertim, qui ex instituto
opionem aliquam examinandam, labefactandam & destruen-
dam sibi sumunt, ut suos, quos putant, adversarios undiqua-
que aggrediantur, uno quasi impetu eorum assertiones atque
probationes prostraturi, nullo interim habito respectu, an
ipsis semper directè contradicant. Nos itaque, ne in eundem
impingamus lapidem, paulò dilucidiorem quæstionis nostræ
dabimus explicationem.

Ignis verus non Allegori-
cus. §. 2. Ignem h̄ic non intelligimus allegoricum, sive in bo-
nam, sive in malam partem accipiatur. Illo modo sæpè scri-
ptoribus sacris & homileticis pii & probi vivere dicuntur in
medio igne calamitatum & crucis, &c. ignem miseriarum velut
aurum probari &c. omnem hominem igne saliendum Christus
pronunciat. α) De baptismo ignis (est enim & h̄ic allegoricus,
& literalem contra Seleucianos & Pontificios rectè explodit
Spanhemius) β) quæ dixerit Johannes Baptista, vide apud Matth.
& Luc. γ) quæ verba Baptistæ literaliter accipiens Origenes δ)
multa rhetoricitur *de flumine igneo, de romphæa flânea, de baptismo,*
quo homines baptisandi sint in fluvo igneo &c. multò minus sermo
nobis erit de igne libidinis, in quo nonnunquam vivunt ii, qui
Veneri stipendia militant, & ob id ab Ægyptiis per Salaman-
dræ in igne viventem adumbrati sunt. ε) Nec intelligimus
h̄ic ignem, cui suspensa est efficacia comburendi, qualis à ple-
risque fuisse creditur in fornace babylonica apud Danielem,
ζ) & in suppliciis quorundam Martyrum, in quo Martyres illæ-
si conservati sunt, apud scriptores Ecclesiasticos. Memini ta-
men, quosdam η) esse in alia sententia, nimirum actionem ignis
in fornace babylonica non à Deo, qui concursum suum univer-
salemei subtraxerit, suspensam fuisse, sed ignem reverâ usisse,
quod patet de farmentis injectis, & incensoribus fornacis
combustis: Interea tamen à tribus istis viris, veri Dei cultori-
bus per Angelum remotum fuisse, ne illos eorumque vestes at-

tinge-
α) Marc. 9. 49. β) Part. 3. dub. Evang. dub. 91. γ) Matth. 2. 17. Luc. 3. 16. δ) ho-
mil. 24. in Luc. cuius quæ fuerit mens, Spanhemius explicat dub. Ev. p. 3.
dub. 39. ε) Pier. Valer. 1. 16. c. 23. ζ) c. 3. 21. seqq. η) v. Corn. à Lap.
in Dan. c. 3. 49.

147.

tingere posset. Ne autem æstus, à tanto illisque tam propinquō
igne ortus viros istos offenderet, auram ab Angelo immissam
fuisse, quæ viris istis refrigerio esset. Et hæc non ineptè colligunt
ex translatione Theodotionis, in qua miraculum hoc mo-
do accidisse, disertè memoratur, quamvis in textu Ebraico hæc
non occurrant. Hoc obiter. Nec denique intelligimus ignem Nec apparen-
suum sive apparentem tantum, cuius generis fuisse illum pro-
babile est, in quo Diabolus Sacerdotes gentilium illæfos con-
servavit, quemque, nî fallor, etiam nostrâ ætate Sagis quibus-
dam innoxium præsttit.

¶.3. Quidnam ignis nomine in nostra quæstione intelligen- Animal intel-
dum sit, diximus: nunc de animalibus videamus. Intelligimus ligitur verum,
autem animal verū, sensu vulgari & Philosophico acceptū, cor-
ruptibile; quod constat animâ & corpore, & operationes ani- Non qualia es-
males per organa sua ritè disposita exercet. Statim itaque no- se dicuntur à
strâ tractatione excludimus animalia Platonis, qualia Deos Platone
esse dixit, quibus ignem plenum esse asserit Philosophus Plato. DEus
nicus Apulejus α) item qualia dixit esse Astra, ut testatur Philo
Platonissans, β) (Cicero γ) aliique. δ) Astra autem in æthere i.e.
in igne (nam cœlum ex igne constare Platonici pariter atque
Stoici docuerunt, ut exacte Lipsius ε) probat) vivere, ejusdem
Platonis mens fuit. Patet hoc ex Apul. §) cùm, ait, tot vaga si-
dera sursum in æthere, b.e. in limpido simo ignis ardore compareant.
Ex Platonis sententia loquitus est Ovidius: η)

*Ne regio foret ulla suis animalibus orba,
Astra tenent cœlestē solum, formæq; Deorum.*

Rejicimus quoq; Stoicorum genios, quibus corpus & animam
tribuebant, & quidem corpus igneum, sive quod ex æthere for- Mundus,
matum esset. θ) Multò minùs disceptabimus h. l. de magno illo
animali, quale Mundum putabant Plato i) Stoici κ) Jambli-
chus, λ) Plotinus μ) Manilius ν) aliique, ita quidem, ut etiam
animam, caput, oculos, aures, ventrem, cor pedesque ipsi affin-

A 3

gerent,

α) ap. Aug. d. Civ. D.l.7. c. 16. Non video, quo fundamento Mendoza Virid. p.
260. Dæmones quoque ex Platonis mente in ignea regione collocet, cùm juxta
Plat. in aëre collocandi sint. V. Lips. diff. 19. phys Sto. ζ) d. opif. Mund. & d.
Plant. Noe γ) l.2. d. nat. deor. δ) Lips. Diff. 14. ε) idem Diff. 12. ζ) d. Deo Socr.
p. 46. η) Metamorph. l. 2. Fab. 2. ι) Lips. l.2. Phys. Sto. Diff. 19. ι) in Timao.
κ) Diog. Haërt. in Cenon. λ) d. myst. Egypt. μ) Ennead. 4. c. 32.

gerent, ut ex Plutarcho α) patet, quod animal Stoici præterea ex igne ortum esse dicebant, si Plutarcho β) fides est, atque Aristocli apud Eusebium, quos forsan seqvutus Manilius γ) ita cecinit:

*Sive ignis fabricavit opus, flammæq; micantes,
Quæ Mundi fecere oculos, habitantq; per omne
Corpus. --*

Nec Animalia mystica Quod etiam Heracliti dogma fuisse magnus Jos. Scaliger δ) animadvertisit. Similiter in considerationem nobis haud venient animalia illa mystica, quæ flammis circundata apparuerunt Prophetæ Ezechieli, quam visionem Vates hic sub initium suæ Prophetiæ graphicè describit, ϵ) quæ animalia, ubi visio hæc repetita fuit apud eundem Prophetam dicuntur Cherubim. ζ) Hinc Ebræi η) & Christiani Interpretes per animalia illa intelligunt Angelos, ex quo factum, ut Judæi certos Angelos constituerent, quos vocarent **חיות הקריות** animalia sanctitatis. θ) Nec incorruptibilia. Tandem, ne quis existimet, nos etiam aliquid dicturos de misericordiis illis animalibus, impiis scil. hominibus à summo judice aliquando ad ignem gehennæ inextinguibilem damnandis, in quo sine intermissione vivent, ideo removemus etiam à vera significatione animalis, quâ à Nobis accipitur, animalia incorruptibilia, qualia post resurrectionem futuri sunt omnes homines, quod ex sacris prolixè diducere possemus, si hujus loci esset. Quicquid tandem formam animalis repræsentat, si reverà tale non sit, hîc excluditur. Nobis sufficit, quæstionis nostræ sensum genuinum proposuisse, quod longè clariùs facturi sumus in seqq. Lubet de his tantùm adscribere Censuram Libavii i) neque sidera, ait, neque plantas inter animalia quisquam Sapientum per essentiam & univocè habet. Poëtæ suis tropis liberè utuntur, & Protopopæias varias fingunt. Plato Deum quoque animal dicit, & cùm Stellas pro Diis aut visilibus Deorum statuis coluerit, non mirum animalia per se, vel animalium signa fecisse. Animalia per re-

α) l.i. Astron. p.5. v.12. β) d. facie in Orbe Lunæ. γ) ap. Lips. Diff. g. 1. 2. Phys. δ) l.c. ϵ) in not. ad Sphær. Man. p.30. ζ) Ez. 1,4. seqq. & imprimis v.13. η) Ez. 10.15. θ) Mos. Maym. More Nev. p.3. c.1. seq. ι) Vid. B. Dn. Haccspan. Cognatum meum desideratissimum Disp. d. Nomin. Ang. c. 1. κ) Hypomnem. in l.6. d. Univers. rerum sect. 3,

præsentationem apud Prophetas, ut Cherabim & Seraphim, & mirifica ista Danielis & Ezechielis mystica sunt, & accedunt ad Poëtarum Pro-
sopopœias. Hæc Libavius, in quo & sequentia, si lubet, lege.

Nec apparen-
tia

CAPUT II.

§. 1. Cùm generatio animalium semper præcedat eorundem inhabitationem loci, atque nutritionem, nos quoque sequi ordinem naturæ eam primò perlustrabimus, quod ipsum facere nos jubet discrepantia Autorum in recensendis istis animalibus. Quidam enim animalia quædam in igne generari dixerunt, in eoqué perpetuò vivere. Quidam non nisi innoxiam in Igne commorationem quibusdam animantibus attribuerunt, ortum eorundem aliò referentes. Alii denique hæc invicem confuderunt, & animal, quod alii tantùm in Igne ilæsum perdurare, ipsi etiam in igne generari asseruerunt. Nos, quoad fieri poterit, distinctè singula proponeimus. Si præcipuum Autorum hac de re testimonia atque Exempla spectemus, duæ nobis præcipue exurgunt species, prior est Aristotelis volucris Cypria pennata Pyrausta, Plinii & aliorum. Altera est Salamandra. Pleraq; quæ de animalibus ejusmodi prodita sunt, ad Pyraustam vel Salamandram referenda esse patebit. Si quæ tamen occurrent, quæ diversa ab iis videbuntur, ea quoq; adducere haud pigrabimur.

§. 2. Vocem Pyraustæ nos h̄ic accipimus juxta Plinii men-
tem. Apud Scriptores Plinio multo antiquiores denotat Papil-
lionem sive Hépiolum, qui lucernarum luminibus advolitat &
comburitur. Patet id ex Æliano a) qui testem citat Æschylum
VI. seculis circiter Plinio antiquorem & b) Zendoto apud
quem habetur proverbium Πυραϊσσα μόρος, id est, Pyraustæ inte-
ritus, quia scilicet hoc animalculum subito interit, de quo vide
Erasmus. c) Et aliud Proverbium apud eundum πυραϊσσα χαρέων
χαιρεῖς gaudes Pyraustæ gaudium, de iis, qui sibi ipsis exitium
accersunt. Apud Aristotelem d) Pyrausta primò denotat ver-

Exhibetur
Pyrausta. (I.)
ejus nomen.

a) lib. io. de Animal. cap. 8. b) in proverb. quæ ex antiquo Scriptore Didymo Diodori Coëtaneo magnam partem exscripsit. Obiter hic notamus Pierium, qui lib. 16. Hierogly: cap. 24. Erroris insimulat Zenodotum, quod Pyraustæ tribuat quæ minuto papillionum generi inesse videmus. Pierius antiquos Scriptores non consuluit, aliàs censura hac abstinuisset. c) In proverb. πυραϊσσα.
d) lib. 8. Histor. animal, cap. 8.

miculum, qui favis officit. Deinde aliam bestiolam similem Hepiolo Papilioni qui lucernis advocat. Ex quo patet antiquissimos Scriptores bestiolæ illæ, quæ ipsis Pyrausta propriè dicebatur, nihil de his attribuisse, quæ Plinius ipsi affingit. Quid Plinium moverit, ut Aristotelis (quem hic sine dubio exscripsit) volucres Cyprias Pyraustas appellaverit, non video. Si vocis impositionem spectas, illa Aristotelis bestiolis oppidò contrariatur. Pyraustum enim dici *ἀπειλυεῖσθαι*, id est, igne crema-ri, quilibet videt, quod & Etymologi a) testantur. Aristoteles vero dicit, quod iste bestiolæ, quas Plinius Pyraustas vocat, haud quaquam in igne crementur, sed potius conserventur, ut mox patebit.

Generatio ex igne, quæ confirmatur ex Aristotele. §.3. Ad rem ipsam properamus & primò quidem Aristotelis locum adducere operæ pretium est, hunc enim plerisque qui post Aristotelem b) scripserunt, ansam dedisse, ut eadem de Pyraustis traderent, persuasum nobis habemus. Nec ullus antiquior Aristotele est, quod ego quidem sciam, qui de ignigenis aliquid scripserit. Ejus verba hæc sunt : οὐδὲν τοῖς δοκεῖσιν αἰσθητοῖς εὔγίνεται ζῶα - εὐ κύπεως ἡ χαλκίτις λίθος καίεται εἰς τὸ πολλὰς ήμέρας εἰ μεταλλόντων, εὐ ταῦθα γίνεται θνεάτα εὐ τῷ πυρεὶ τῶν μεγάλων μυῶν, μικρόντι μείζονα, αἱ κατὰ τὴν πυρῆς θαλίζει οὐδὲ πυδᾶ. Αἴτοι θνήσκει δὲ τάτα χωρίζομενα τὴν πυρῆς. id est, ex interpr. Scaligeri *Animalia*, etiam in iis quæ putrefieri minime posse putant, nasci videntur. In Cypro Insula ubi Chalcitis lapis injectus pluribus diebus excutitur, ibi in igne oriuntur bestiolæ grandibus muscis paulo majuscule, pusillis alis, quæ per ignem ambulant & saliunt, moriuntur autem hæc si ex igne eximantur. Obiter nota apud plerosque sequioris ævi Scriptores, qui hanc historiam ex Aristotele latine recitare gloriantur, post τὸ in Insula inseri τὸ in ærariis fornacibus, cum de eo neverbulum quidem existet apud Aristotelem. Nimirum Gazæ interpretationem plerique descripserunt de Græcis fontibus nec quicquam solliciti. Aristotelem sequitur Plinius c) cuius hæc sunt verba, in capite cuius rubrica est de Pyrali si Pyrausta. Gignit aliqua & contrarium naturæ Elementum. Siquidem in Cypro

a) Martinus lexic. phil. v. Pyr. Vossius Etymol. V. Pyr. b) Histor. Animal. lib. 5. cap. 19. c) Histor. natur. lib. II. cap. 36.

pri' erariis fornacibus, ex medio igne majoris muscæ magnitudinis volat pennatum quadrupes, appellatur Pyralis, à quibusdam Pyrausta. Quam diu est in igne, vivit, cum evasit longiori paulò volatu, emortur. Vocem Pyralis quod attinet, occurrit & illa alio sensu apud Græcos Scriptores, ut patet ex Hesychio & Athenæo. a)

§. 4. Plinium sequitur Aelianus, b) qui in re ipsa cum Plinio consentiens, alio tamen utitur vocabulo & quidem aptiori ad naturam dictarum volucrum, exprimendam. Vocat enim Pyrigona, quod si latinè vertas, significat ex igne genita. Verba ejus hæc sunt: τίκτεθαι μὲν ἐν ὄρεσι ζῶα, καὶ ἐν αἴρεσι, καὶ θαλάσσῃ, θάυμα πωμέγα, ὅλη γαρ, καὶ τροφή, καὶ Φύσις ἡ τάχτων αἰτία. ἔγγονα τῷ πυρὶ πίνυνται εἶναι, τὰς καλύμενάς πυριγόνας, καὶ ἐν αὐτῷ βινδύ, καὶ τεθηλέναι, καὶ δεῦρο καὶ ἐκεῖσε περιποτάθαι, τῷτο ἐκπληκτικὸν. καὶ τὸ ἔνθι θάυμα, ὅταν ἔξω τῷ πυρὶ τῷ συντρόφῳ ἐκνέυσωσι, καὶ αἴρεσι ψυχρὴ μεταλάβωσιν ἐνταῦθα δῆ τε θυήκασι, καὶ ἥπις ἡ αἰτία, πίκτεθαι μὲν πυρὶ, αἱρών δὲ αἴσθολλυθαι, πέδως λεγέτωσαι ἄλλοι.

§. 5. Porro sententiam hanc de bestiolis, in Cypri fornaci- bus genitis, inter veteres etiā adducit Antigonus, c) sed ea, mo- re consueto, quem cum primis notavit Salmasius d) ex Aristotele descriptis, dabitur tamen infrā ea citandi locus.

§. 6. Aristotelis vestigia presserunt quoque Apulejus^e) Bal- Apulejo, b) Ciceronianus f) & Seneca. g) De Apulejores non est dubia, expressè enim Aristotelem hac de re citat. Ciceronis hæc sunt Cicerone.) verba : Sunt quædam etiam (bestiæ) quæ igne nasci putentur, appa- reantq[ue] in ardentiis fornacibus, s[ecundu]m volitantes. Respexisse his ver- bis Ciceronem ad Aristotelis locum allegatum, verisimile no- bis fit, & confirmat nos D. Gottofredus, qui in margine ad dictū locū Ciceronis allegat Aristotelem c. 19. histor. Animal. lib. 5. Similiter locum Aristotelis intendere videtur Seneca : Ignis, Seneca. ait, qui omnia consumit, quædam etiam creat : Et quod videri non po- test, simile veri, sed tamen verum est, animalia igne generantur.

§. 7. Relationi Aristotelicæ & Plinianæ de Pyraustis alii et- tam ex recentioribus fidem adhibuerunt. Autor libri de Natur. Et recentio- rer. h) codem modo, quo Plinius historiam de Pyraustis addu- ribus,

B cit,

a) ap. Scap. Lex. V. pyral. b) de Animal. lib. 2. cap. 2. c) θάυμα. d) Proleg. ad Ex. ercit. Plin. e) de Deo Soctatis pag. 46. f) Cic. lib. I. de Nat. Deor. g) lib. 5. Qu. st. Natur. c. 6. h) apud Vinc. Bell. Spec. nat. lib. 2. c. 153.

cit, ut Plinii locum verbotenus descripsisse, videri posfit. Majolus a) admiratur aviculas istas aridissimas omni humore carentes in igne nasci, non adiuri, quin potius in eo vixere, immo flammis egere, ut vivant. Sed & diu ante ipsum idem admisit Albertus Magnus b) Sed & alii Philosophi, qui tamen emunctioris nasi videri volebant, hanc de Pyraustis fabulam, pro vera acceperunt, ut Julius Caesar Scaliger, c) Mercurialis, d) Altstedi, e) Heidfeldius f) Nurnbergius, g) Schottus h) & alii.

(II.) Aves Carystiae ex Antig. & Solin. §. 8. Pyraustis subjungimus aves carystias, quarum non nisi apud Antigonum & Solinum mentionem factam esse deprehendimus. Antigoni locus prout Salmasius i) eum emendavit, hic est: k) ἐν κύπεω δὲ χαλκίης λίθος καίεται γίνεται θήριον μικρῷ μεῖζον, μυιῶν. τὸ δὲ οὐτὸ δὲ καὶ ἐν τοῖς καρυσίαιν σιδηρίοις. Αὐτοθισκειν δὲ τὰ τὰς πυρὰς χωρίζομένα. Unde hauserit hæc posteriora Antigonus haud certò constat. Ex Antigono desumfisse suas aves carystias Solinū l) haud levis conjectura est ex eo, quod & alia plura ex eodem in suum Polyhistora transcripsit, ut animadvertisit perspicacissimi ingenii vir Claud. Salmasius m). Ipsius Solini hæc sunt verba: *Carystas habet - carystias aves, quæ flammam*

(III.) Conopes impune involant.

ex Strab.

§. 9. Culices ex igne nasci Strabo n) testatur his verbis: τὴν δὲ γένεσιν τῶν ζώων τοιαύτην εἰκάζοντες, οἷαν τὴν τῶν κωνώπων, ἐκ τῆς ἐν τοῖς μετάλλοις φλογὸς, καὶ τὰς φεψάλας. id est, Casaub. Interp. Ortum animalculorum (quæ in nive generantur) talem conjiciunt qualis est culicum in metallis è flamma & favilla. Celebris Scriptor Ulyssis Aldrovandus: o) In transitu nobis hic notandus venit, adducit ille Wottonum (intelligit procul dubio Anglum, qui de differentiis animalium scripsit librum Paris. Anno 1552. impressum) Qui refert conopes ex flammis & scintillis generari, quemadmodum vermes ex nive. Et quoniam Wottonus Strabonem ex quo sua hausit, tacuerat, eum Aldrovandus ita corrigit: *Procul dubio, id est, ex Aristotele qui non conope*

a) Canic. dier. colloq. 5. b) lib. 26. de Animal. c) Exercit. 23. & Exercit. 194. d) Var. lect. lib. 3. c. 14. e) Encyclop. lib. 7. part. 6. Phys. c. 3. f) Sphyn. phil. g) lib. 4. Histor. natur. cap. 18. h) Phys. curios. pag. 811. i) Exercit. plin. pag. 177. k) 150. cap. 90. l) Polyh. cap. 11. m) Proleg. ad Solinum. n) Geograph. lib. II p. 328. o) de insect. lib. 3. cap. 5. fol. 153.

*pēs in ignē nascī, sed bestiolas simpliciter pēnnatās, "muscis grandibus
majores scribit, quando ait: In Cypro &c. Quam tamen correctio-
nem Wottonus minime promeruit, ut patet.*

§. IO. Macedoniam quoque Animalibus ignigenis veracem (IV.) Animā-
esse a) Philo testatur: τὰ μὲν ὅν (ait.) μεθαπτικῆς ινήσαι χρώμενα, lia Macedo-
νica ex Philo-
α δή Φαμενῆς ζῶα είναι, ταῖς τοῦ πάντος ὀλοχερεζέρων πεσεγίνετο
μοίραις, γῆ μὲν τὰ χερσάμα, πλωτὰ δὲ ὕδατα τὰ δὲ πύνα αἴρει, καὶ τὰ
πυρειονα πυρεὶ, ἀνὴν γένεσιν αὔριδη λοπεραν καὶ μακεδονίας λόγος ἔχει
πεσεγίνετο. In alio Philonis loco eadem habentur, quem
paulò inferius recitandi dabitur occasio.

§. II. Ultimo loco reservandam esse duximus lepidam tradi-
tionem, quam adducit Macarius Eremita Aegyptius b) ὡς δὲ (V) Anonyma
(ait.) ὁ λόγος τῶν ἔξαθεν λέγει, ἐτιν ὅρη πύρινα, ὅπι ἐκεῖ πῦρ εῖτι, καὶ
ἐτιν ἐκεῖ ζῶα ὄμοια τοῖς προβάτοις, λοιπὸν οἱ θηρέυοντες αὐτὰ, ποιῶσι
σιδηράς τροχάς, καὶ βάλλοσιν αὐγκιστρα, καὶ πέμπουσιν εἰς τὸ πῦρ,
ἐπεῖτε ἐκεῖνα τα ζῶα τὸ πῦρ ἔχει βρῶσιν, τὸ πῦρ ἔχει
πόσιν, ἀναπταυσιν, αὐξησιν, ζωὴν, ἀνπί πάντων τὸ πῦρ αὐτοῖς εῖτι, καὶ
ἔαν ἔξενέγης αὐτὰ εἰς ἄλλον αἴρει, διπόλλυνται, καὶ τὰ ἐνδύματα αὐτῶν
σταυρωθῆ εἰς τὸ ὕδωρ ὃ πλύνονται, ἀλλὰ εἰς τὸ πῦρ, καὶ γίνονται κα-
θαρώτερα καὶ λαυκότερα. Quamvis v. Macarius nō expresse dicat,
animalia ista ovibus similia in igne generari, id tamen exinde,
quod ea dicit non nisi in igne vivere posse, manifestè sequitur.

§. 12. In antecessum mentionem hīc facere cogimur Salamandræ
(de qua in altera sectione plenius dicetur) quoniam & illa inter igni- (VI.) Salamand-
genas à nonnullis recensetur. Quibus tamen Bustamantinus Medi- mandra
cus & Philosophus Hispanus, immerito annumerat, Nicandrum, Nicandrum,
Medicum illum antiquissimum, cuius Theriaca & Alexipharmacum
hodie adhuc existant. Bustamantia c) hæc sunt verba: Salamandram in medio igne generari, visum est Nicandro in Theriacis, aliisq;
maximæ notæ Autoribus. Verū de Nicandro gratis hæc afferit
Bustamantinus, in illo namque loco in quo Nicander de Salamandra
agit, quem innuit Bustam: & in quo maximè dici oportebat, silentium Nicandi hac de re compertum habemus. Si maximæ notæ
à tutores istos indigitasset Bustam: plura nobis de veterum mente hac

B 2

in

a) de plant. Noachi b) Homil. 14. pag. 179. verborum ejus sensum latinè tibi
dabit Mendoza Virid. lib. 4. problem. 23. pag. 258. c) de Animant. Scriptur. S.
lib. 6. cap. 2.

in parte constaret, nisi fortè eos, eādem quā Nicandrum, legerit attentione. Ipsum vero mireris Bustam: a) pluribus differentem, qua ratione stabiliri queat Salamandræ in igne generatio, ut postea videbimus, cum tamen in alio loco b) negare videatur, Salamandram in igne nasci & vivere.

§. 13. Interim, ut ad veteres revertamur, audiamus Cœlium, Rhodiginum c) Virum, ut opinor, fide dignissimum, qui ex libro veteri ἔκλογῶν τῷ γεωγίᾳ refert, Salamandram minimum Animal ex ignibus ortum capere, & in iis flammæ nocumentum haud sentire. Existimo Cœlium hæc desumisse ex Zoroastre, cuius excepta leguntur apud Autorem Geoponikῶν (sive is fuerit Constantinus Pogonatus sive Cassianus Bassus, sive alius quis) Gesnerus d) ex illo Zoroastre citat hæc verba: Salamandra minimum Animal ex igne vivit & in igne generatur non urente eam flamma. Addit Gesnerus: Videntur autem hæc dicta potius ad Pyriganos muscas quam ad Salamandram pertinere.

SECTIO II.

Exhibitum Sa- §. Accessum facimus ad Salamandram. Vocem quod attinet, **lamandra** varii varias ejus confinxerunt Etymologias, prout iis naturam hujus Animantis magis magisve exprimi posse putabant. Salamandram sic dictam esse, quod juxta Σαλων habeat μάνδρα, scrutatores Etymorum præstantissimi Martinius e) & Vossius f) arbitrantur. Derivationem hanc non ineptam esse, ex inde conjicias, quod Animal hoc loca humida & frigida incolit, & in cavernis juxta amnes vivit, precipue vero tempore pluvio apparet, hinc Plinius g) eam non nisi magnis imbris provenire & serenitate deficere, ait. Quod & aliorum testimoniis Gesnerus h) probat. Aliam derivationem suppeditat Bustam: i) quæ mihi non æquè arridet. Plures adducit Martinius k) quæ partim ex Hebraismo, partim ex Arabismo, partim aliunde sunt desumptæ, quas, qui volet, videre poterit, & deprehendet quasdam earum nimis longè petitas esse. Illas saltem afferimus, quæ ad vitam Salamandræ in igne respiciunt. Primum adducimus Isidori l) ineptias. Ille, quorundam judicio vocem hanc ex Latio

quam in igne
vivere
inadet
I. Monstris

arcet-

a) Bustam. I. c. b) de An. Scr. S. I. I. cap. I, ubi merum figmentum esse assent, quod vulgo de Salamandra dicitur. c) Antiq. Lect. I. 10. c. 10. d) De Quadr. Ovip. I. 2. p. 77. e) Lex. Philol. Voc. Salamandra. f) Etymolog. V. Salam. g) I. 10. Hist. Nat. c. 67. h) I. c. p. 76. i) de An. Scr. I. 6. c. 2. k) I. c. l) apud Mart. I. c.

arcēsit. Salamandram sic vocatam ait, quod contra incendia valeat. Videtur hoc velle, inquit Vossius *a*) quasi valincendia, sive, Etymologia ut Martinius opinatur, quasi valincendra. Aliam aequè lepidam Etymologiam refert Martinius *b*) ex Catholico, quod Salamandra sic dicitur, quasi sola amans, πῦρ. Dubitat etiam Martinius *c*) an Hispalensis ad Arabicum Etymon respexerit, quod derivari posset Salamandra ex Arab. צַלְעָן ustio מִנְעָן prohibuit, & דְּרָר tunica seu torax, quasi ignem (crassā) pelle prohibens. Vides quam operosū sint nonnulli, ut miserum hoc animal flammis adjudicent.

§. 2. Salamandræ nomine etiam aliae res insignitæ sunt, quod procul dubio, non ἀπὸ τῆς τύχης, sed ἀπὸ τῆς Αἰγαίου factum est, ob convenientiam aliquam, quam cum Salamandra animante habere videbantur. Testatur Martinius *d*) Chymicis tinteturam Philosophorum, quod in igne subsistat (illa) Salamandram vocari. Geraldus *e*) refert Amianti lanuginem nostra vernacula lingua capillos Salamandræ appellari; & Agricola *f*) vocem Amianti Germanicè interpretatur Salamanderhaar. Rationem denominationis hujus queris? Hæc est: Quia, sicut Salamandram Animal, ita & filamenta hujus lapidis. ex iisq; contexta tela flamarum vi resistere putabant. Illud vero admiratione dignum, traditionem de Salamandræ incombustibilitate, etiam Tartaris innotuisse, apud quos Græcæ & Latinæ literæ incultæ prorsus jacuerunt, ut illos ex scriptis Veterum sua hausisse vix putares. Refert Marcus Paulus Venetus *g*) in monte quodam regionis Chynchyntales Tartarorum Imperatori, Magno Cham subiectæ, erui mineram, quam incolæ Salamandram appellant, de qua fiat papnus, qui in ignem injectus, comburi non possit. In sequentibus de Salamandræ hujus textura ejusque in ignibus præparatione idem M. Paulus prolixius agit. Pergit deinde, hoc edictum se esse à socio quodam suo, Viro singulari industria, religione Turco, qui in regione illa rebus metallicis præfuerit. De veritate hujus relationis

B 3

forsan

a) Etymol. l.c. *b*) Lex. Phil. l.c. *c*) l.cit. *d*) Lexic. Phil. Voc. Salam. respicere hoc videtur Auctor Hieroglyph. Collectaneorum quæ Pierii Hieroglyphicis addita sunt p.35. *e*) apud Langium Epist. Medic. lib. I, Epist. 66. *f*) Agricola apud Gesn. p.74. *g*) lib. I. Navig. c. 47.

forsan quis dubitaverit? Scio quam suspecta fuerit Polifides plerisque eruditorū, neque ego singula ejus dicta pro Oraculis habenda esse censeo. Recentiores tamen navigationes plurimis hujus Viri narrationibus, quæ fabulosæ putabantur, fidem conciliarunt: Quod rem præsentem attinet, ut Polo fidem adhibeam, adducor verbis Geraldī: a) Dum Romæ agerem, inquit, ajebant Tartarorū Regem summo Pontifici linteum ex Salamandra misisse, in quo sudarium Salvatoris S. Sancti vultus effigie insignitum ab omni incendio tutum, conservaretur, involutum. Locum Chynchytalis quod concernit, deprehendo in tabb. Geographicis Hondii urbem Chynchytalem cui mons adjacet ad ripam flu. Quiam, circa confinia Regionis Cathajæ. Eandem mihi, eodemque situ exhibit Mercatoris b) mappæ. Huc respexisse M. Paulum non est dubium. Qua ratione autem sive nomen Salamandræ, quod juxta Viros doctos originem Græciæ debet, sive traditio de Salamandræ incombustibilitate ad Barbaras illas & remotissimas Gentes pervenerit, illud dictu difficile est. Si conjectutis aliquid tribendum, narrationē de Salamandra forsan adhuc ab Aristotele, et si non immediatè sed mediatè, ad Gentes istas propagatam esse, existimarem. Aristotelis libri ab Arabibus summo studio per voluti sunt, ut & alii Græcorum Philosophorum. c) Porro aliquot excusiones Arabum ad Sinas factæ memorantur. d) Chinensibus chynchytales incolæ contermini sunt. Ergo per Arabes & Chinenses Salamandra Tartaris innotuit. Si tamen aliquis, huic Chinensium cum Tartaris communicationi, murum illum ingentē inter Chinam & Tartariam obstitisse existimet, dicam: Tartaros illos aut ab ipsis Arabibus visitatos fuisse, aut ab aliis Europæis, sive Asiaticis, qui Græcos & Latinos Scriptores inspexerunt, ex iisque de Salamandra non nihil percepisse, cuius nomen postea Mineræ suæ incombustibili indiderunt. Conf. cū his quæ Martinius e) refert de herba in Regione Tartaria Tanyu contermina Chinæ, quæ in igne prorsus illæ

a) apud Langium loc. cit. b) In Asia, c) Ovid. Horn. Histor. Philos. l. 5. c. 9. Ex Isaaco & Curiona. d) Ex Trigantio probat hoc Per-Rev. & Clar. Dn. Theoph. Spizelius, Ecclesiæ Patriæ Symmista, Fautor meus & Amicus honorandus de Re liter. Sinens. fest. 9. pag. 218, 227. e) Martin. Atlant. Sin. p. 24.

illaſa conſiſtit. Quanquam a. Martiñ. non adverterit, ha[n]cherbam Salamandram vocari, eandem tamen eſſe cum ea, quam Polus retulit, arbitramur. Conjecturas has approbet, qui volet, conjecturas eſſe fatemur.

§. 3. Sed in viam revertamur, à qua nimis longè digressi ſumus occaſione Mineræ Tartaricæ. Salamandram in Hieroglyphicis quoque ad ignem damnatam eſſe, ex Horo Apolline conſtat.^{a)} Ejus verba ex interpretatione Græca Philippi hæc ſunt: Αὐτῷ πυρὸς καιόμενον βγλόμενοι σπυῆναι, Σαλαμάνδραν ζωγραφῶσι, αὐτὴ γὰρ ἐκατέρᾳ τῇ οὐεφαλῇ ἀναιρεῖ. id est. Hominē igne combuſtum ſignificantes Aegyptii Salamandras pingunt, hæc enim utroque capite interfecit. Ita Clar. Hœſchelius edit & vertit. Sed de genuinâ lectione hujus loci meritò dubitat Gesnerus, ^{b)} quod priora verba attinet, dicit: Si Salamandra igne non uritur absurdum & contrarium eſſe, Salamandra pictâ hominem qui eodem uratur, infinuare. Qua ratione autem reſtituendus hic locus non indicat ibi Gesnerus. Existimo poſt τὸ πυρὸς inſerendam eſſe particulam μὴ & ita ſensuſ planus erit. In quibusdam codicibus Græcis locum hunc ita conceptum fuiffe, diſco ex Hieroglyphicis Horapollinis, quæ ſuo ſpeculo imaginum latine inſeruit Maſenius, ^{c)} Ibi dicit: Aegyptios per Salamandram denotare hominem, qui igne non comburitur. Et ita Hieroglyphicum hoc Pierius ^{d)} quoque proponit. Posteriora Horī verba Gesnerus ^{e)} itidem non ineptè depravata ſive obscura existimat; quis enim, ait, Salamandram legit bicipitem? Phasianinus ^{f)} ſic Latine transfert, ſive potius παραφεάζει: Ipsiſa enim cum in igne fuerit, ab utroque capite, quos attigerit, flammis conficit, ignemque etiam taetum extinguit. An rem detigerit Phasian: nunc non diſquiro, viris potius doctis locum hunc obſcurum & depravatum illuſtrandum & emendandum relinquo; Nobis ad alia progrediendum.

§. 4. Salamandram in igne exhibent nobis etiam compara-

^{a)} Horapoll. d. Hierogl. l. 2. c. 60. ^{b)} Gesn. d. Anim. l. 2. p. 76. ^{c)} Maſ. Spec. Imag. l. 6. c. 6. ^{d)} Hieroglyph. l. 16. c. 21. ^{e)} Gesn. l. c. ^{f)} Phas. apud Hœſchel. in not. ad Hor. pag. 201.

^{2. Hieroglyphica,}

^{3. Comparationes.}

tiones Nazianzenus *a)* se & Basiliū Magnum, quod in Atheniensi δεισιδαιμονίᾳ salvi conservati essent cum Salamandra comparat, quam vocat, Σωνέν πυρεὶ σκάρπον, ὡς τὰ πάντα αἱ λίσκεια. Quidam teste Cornelio à Lapide *b)* cum eadem conferunt tres socios Danielis, in fornace Babylonica ab igne haud exustos. Idem Corn. à Lap. comparationem quoque instituit inter Salamandram & inter religiosos seu Monachos & virginēs (Moniales intelligit) qui in igne vivant Angelicē. Plura ejusmodi deprehendere licet in scriptis Homil. & Philos. sequiori *c)* quibus adducendis cartarum angustia excludimur.

4. Emblemata. §. 5. Idem videre est in Emblematis & Symbolis. Emblema dedit Camerarius *d)* cum Lemmate: *candidè & sincerè*. Et disticho hoc subscripto:

*Ambulat en medios Salamandra illæsa per ignes;
Nempe illæsa manet semper & integritas.*

Pantaleon Candidus *e)* inter cœteros arcus triumphales, Alberto. Archiduci cum Infantā Bruxellas ingredienti, erectos, meminit cuiusdam, in quo depicta fuerit arbor; infra vero ignis cum inscriptione: MIHI MORS. Et Salamandra (infra ignis) cum inscriptione: MIHI VITA. Pro symbolo sibi Salamandram delegerat Franciscus I. Galliæ Rex, uti Paradinus *f)* refert. Sic Galli quidam Typographi *g)* pro insignibus habent Salamandram igne circumdatam.

5. Testimonia. §. 6. Hisce tanquam velitibus, qui pro vita Salamandræ in igne dimicant præmissis, succedunt jam gravioris armaturæ milites, puta testimonia tam Veterum, quam Recentiorum Philosophorum, Medicorum, Patrum, Historicorum atque Poëtarum. In quotum citatione ita versabimur, ut juxta seriem ætatum, quibus unusquisque eorum orbem hunc scriptis suis illustravit, eos producamus. Eo enim luculentius opinionis hujus antiquitas apparebit.

Aristotelis. §. 7. Omnium Antesignanum haud immerito dixeris Magnum Stagyricum, Magnum, inquam, utpote cujus autoritas

cœte-

a) Naz. in Vit. Basil. M. vid. Hoesch. not. ad Hor. l.c. *b)* Comment. in Dan. 3. v. 50. *c* vide Quilem. Paris. Vol. I. de Morib. fol. 149. *d)* Camer. Emblem. Cent. 4. 69. *e)* Tabb. Chronolog. ad A. Chr. 1599. *f)* Paradin. apud Camer. l.c. 12. Masen. Spec. Imag. l. 4. c. 9. qui idem Symbolum Joannis Regis Arragoniae fuisse, ait, cum inscriptione: DURABO, l.c. 5. 4. *g)* Vid. libros apud Chovet, Genevæ impressos.

cœteris plerisque ansam derit, ut hanc narrationem, vel simpliciter, vel pluribus figmentis cumulatam, aliis pro vera obtruderent. Verba ejus hæc sunt: *a) ὅπιδ' ἐνδέχεται μὴ καίσθαι συστάσεις πνῶν ζώων ἡ Σαλαμᾶνδρε τοιεῖ Φανερόν, ἀντηγός φασι, οὐ γέπυργος βαδίζοντα, κατασθέννυσι τὸ πῦρ.*

§. 8. Nicander *b)* antiquissimus Medicus & Poëta, Salamandri. lamandræ meminit his versibus, quos ex Latinâ interpretatione Hieron. Mart. (Græcus enim textus ad manus non est) adscribo:

Præterea invisus Salamandræ morsus habetur,
Quæ rapidum & clarè ardente secura per ignem
Fertur, & absque ullo meat indefessa dolore:
Nec quicquam flagrans gradienti illi officit æstus
Vel ruptâ cute, vel quacunque in corpore parte.

§. 9. Plinius: *c)* Huic (Salamandre) tantus rigor, ut ignem tactum Plinii. extinguat, non alio modo, quam glacies.

§. 10. Hic jam inferendum esset Zoroastris testimonium, sed *Zoroastris* quia supra jam à nobis citatum est (scilicet: I. §. 13.) eò Lectorem remittimus. Sane, si fides esset fabulis, quæ de antiquitate Scriptorum hujus Zoroastris, circumferuntur, testimonium hoc, ob summam vetustatem longè præferendum fuisset Aristotelico. Quia vero in dubio ad huc est, quis nam fuerit ille Zoroaster, Persomedus sive Bætrianus, sive alius? Quo tempore vixerit? utrum aliquid scripserit? An ipsius sint hæc scripta, quæ adhuc extant & quæ sub ejus nomine in Geponicis citantur? Cum potius verisimile sit, quemadmodum ejus oracula (quod operose contendit Lambetius *d)*) Ita & hæc Geponica, à Juliano Chaldæo Junique, sive ab alio scripta esse, utique post Scriptores Seculi II. testimonium hoc (si ponamus interim Juliani Chaidæi esse) colloquandum erat.

§. 11. Ælianus *e)*: ex Animalibus tametsi Salamandra non sit, quæ ex igne nascuntur, quales sunt Pyrigoni; contra tamen hunc ire audet, contraque illius flammarum veniens, tanquam adversus hostem quendam, sic eam expugnare aggreditur. In sequentibus idem Ælianus testes adducit Fabros, quibus in arte sua fabrili remoram injecerit.

C

Sala-

a) Arist. l.5. Hist. Anim. c.19. *b)* Nic. in Thes. p. 306. Alter hujus Poëtæ locus, in quo replevit hanc sententiam occurrit in Alexipharm. p. 329. *c)* Plin. l.10. c.67. Hist. Naur. *d)* Histor. Relitter. l.1. cap.7. p.93. *e)* El. de Anim. l. 2. c. 31.

Salamandra, ignem extinguendo; quos Fabros ignibus suis hand uti potuisse, usque dum sustulerint Salamandram, idem refert.

Qv. Seren.

Sam.

Philia.

Theodorici.

Cassiodori.

Augustini.

Olympiodori.

Autoris Kira-
nid.

§. 12. Quintus Serenus Sammonicus:^a

Seu Salamandra potens nullisque obnoxia flammis.

His adde versus, quos habet Philes ^b) sic Latinè redditos:

Imperator hanc (Salamandram) videns miraberis,

Quod non tremiscat devorantis omnia

Ignis furem, quem involans atrociter

Elidit, ac fornacis æstus enecat.

§. 13. Ad Barbaros etiam migravit hæc opinio. Theodoricus ^c) enim Gothorum Rex de Jovino quodam cædis reo, & in Insulas Vulcanias relegando, ita scribit ad Faustum Præpositum: Salamandræ fecuturus (reus) exemplum, quæ plerumque degit in ignibus, tanto enim naturali frigore constringitur, ut flammis ardentibus tempereatur. Subtile ac parvum Animal, lumbricis affocium, flavo colore vestitum: vitam præstat soli, qui mortalia cuncta consumit. Ipse Cassiodorus ^d) sic scribit: Salamandra incendio reficitur, & ignis calore reparatur.

§. 14. S. Augustinus utitur exemplo Salamandræ ad redarguendos Adversarios, ejus hæc sunt verba: ^e) Quibus (negantibus humana corpora animata atq; viventia in æternorum ignium durare tormentis) respondebimus esse, animalia profectò corruptibilia, quia mortalia, quæ tamen in mediis ignibus vivant. Et non multò post in eadem disquisitione: Quapropter, si ut scripserunt, qui naturas animaliū indagarunt: Salamandra--& quidā notissimi Siciliæ montes satis idonei testes sunt, non omne, quod ardet, absumi. Adjungerem Episcopo Hipponensi S. Nazianzenum, nisi verba ejus, jam supra adducta essent. ^f) It. Olympiodorum ^g) Philosophum, nisi eadem in ejus testimonio legerentur, quæ in Æliani verbis supra citatis, adquæ Lectorem nunc remitto.

§. 15. Transitum nunc facimus ad ætatis mediae scriptores. Inter quos referendus mihi videtur *Autor Kiranidum*, qui Arabicè scripsit, quisquis ille tandem fit. Verba ejus olim ex Arabico in Græcum & postea ex Græco in Latinum

^a) Seren. apud Dale champ in Plin. p. 490. ^b) Phil. apud Schott. Phys. l. 7. cap. 18. Quo tempore Philes vixerit, mihi nunc non occurrit. ^c) apud Cassiod. Var. Epist. 47. lib. 3. ^d) Cassiod. de Anim. c. 19. p. 835. ^e) De Civ. Dei l. 21. c. 4. ^f) §. 1. Sect. I. ^g) Olymp. Comment. in l. 4. Meteor. Aristot. c. 4.

tinum sermonem translata hæc sunt: a) Animal (Salamandram intelligit) in Camino vel igne missum flamمام om̄nem extinguit. Reliquas ejus ineptias de hoc animali h̄ic non describo. Huic alium subjungo Arabem, Avicennam, b) (qui rectius ab aliis Ebensina vel Alibensina vocatur.) Hic contra morsum Salamandræ remedia propositurus, ait; Salamandra estimatur esse bestia Lacertæ similis, habens quatuor pedes, & caudam curtam, & quod ipsa non aduritur, et si projiciatur in larem, extinguit ignem. Procul dubio hæc desumisit ex Magistro suo, quem sectatus est, Aristotele.

§. 16. Missis Arabibus retrogredior ad Græcos. Suidas Lexicographus; c) ζῶον ὡς σάυρα τὸ μέγαθος, ψυχεότατον τὴν Φύσιν, ὡς καὶ τὸ πῦρ εἰςδνόμενον, τὴν Φλόγα σβεννύειν, οὐδὲ αὐτὸ μὴ τοίμαζειν.

§. 17. Alii Scriptores Græci, qui de vita Salamandræ in igne aliquid retulerunt, mihi non sunt visi. Reperi autem quosdam, qui forsitan mihi non ad manus fuerunt, vel notitiam meam planè subterfugerunt, haud repugnūt.

§. 18. Ex Philosophis Latinis, qui seculo XII. & proximè sequentibus vixerunt, farraginem testimoniorum de nostra Salamandra conquirere, opus non est. Plerique enim, qui hac de re aquid tradiderunt, illud ex antiquis Scriptoribus, à nobis jam citatis, descripsérunt. Si quis tamen etiam hos degustare desideret, evolvat Vincentium Bellovacensem, d) qui opinionem hanc probat ex libro de Natura Rerum: Quilielmum, Episcopum Parisiensem, e) alios.

§. 19. Illud prætereà addendum, nonnullos ex istis Philosophis in ea fuisse sententia, Salamandram ex igne alimentum capere, & unicō hōc elementō nutriri. Lubethac de re adscribere, versiculos Latinos, licet parum politos, qui reperiuntur apud Barthol. Anglicum : f)

C 2

Tal-

- a) Kir. libr. 2. p. 92. Quamvis hic Autor à plerisque credatur fuisse Rex quidam Persarum, cuius nomen fuerit Kiranus; adversatur tamen huic sententiae summus Vir Claudius Salmasius, in prolegomenis ad Solinum; ubi docet Kiranis sive Kiranides esse nomen appellativum, quo Arabes libros suos insignire soliti sint, idem sonare, quod apud nos Collectanea, & descendere ab Arab. rad. שְׁרַק colligit, unde & Turcorum Alcoran. b) in 2. Can. prout cit. à Bellov. spec. nat. libr. 20. c. 64. c) voe. Salam. p. 703 Tom. 2. d) Spec. nat. 1. 20. c. 63. e) Quill. Par. præter locū supra §. 4. cit. de universo part. I. f. 134. f) de propriet. Res. 1. 18. c. 20.

*Quatuor ex puris vitam ducunt Elementis;
Chamaleon, Talpa, maris allec & Salamandra.
Terracibat Talpam. Flammæ pascunt Salamandram.
Unda fit aleci cibus, aer Chamæleonti.*

His adjicimus alios ejusdem commatis versus, quos similiter superioribus proximis seculis, in claustris Monachorum dixit primum concinnatos fuisse. Recitat eos Kornmannus: a)

Talpæ Terracibus, Chamæleon in Aere vivit:

Halec unda favet, Flammæ pascunt Salamndram.

Vulgaris putavit (J. C. Scaligeri b) verba sunt) eam non solum ignem extingere, sed & eō ali, neq; alibi posse vivere. Id quām absurdum sit, omnibus notum est.

§. 20. Aliam adhuc sententiam valdè portentosam ex Pon-zetto Gesnerus c) refert, ascendere Salamandram ad Ignem elemen-tarem, Orbi Lunari finitimum, in eoq; vivere.

§. 21. Varias profectò mutationes Salamandra subire coacta fuit. Non satis erat quibusdam, eam flammis adjudicâsse, sed etiam ex pelle ejus linteal confici, quæ igni resisterent, fabulati sunt. Nonnulli pilos & lanam, &, quod mireris, pennas Salamandræ tribuerunt. Meinit Ant. Brasavolus quorundam, qui ex Salamandræ (animantis) cortice mappas, quæ comburi non possunt, factas putarent. Albertus Magnus d) adducit, qui dixerunt, inesse Salamandræ lanam quandam, que in igne non adura-tur. Adde Vincentium e) de vestimento Alexandri Papæ ex hac lana; & Barth. Angl. f) de Cingulis regiis in igne purgari solitis, & de lucernis perpetuò ardentibus ex villosa Salamandræ pelle confectis. Pennas quoque, in ornatum credo, Salamandræ adjecerunt, ut videre est ex Alberto Magno g) & eruditissimo discursu Ge-raldi, quem Langius h) recenset. Et vix aliter fieri poterat, cum ipsa Salamandra in avem transformata fuerit, ut eam ali-cubi exhibet Quill. Parisiensis. i)

§. 22.

a) Templ. Natur. part. i. consid. 18. b) Comment. ad Aristot. hist. anim. c. 18. l. 5. sect. 130. adde Coel. Rhod. A. L. l. 24. c. 21. c) apud Ges. p. 77. d) de Natur. An. l. 2. e) loc. cit. de Alexandri vestimento eadem refert Obscurus ap. Gesnerum de animalibus quadrup. l. 2. p. 77. f) de propr. Rer. l. 18. c. 92. Eadem ferè re-petit Arnoldus de Villa Nova apud Gesnerum loc. cit. g) apud Ges. l. c. h) Epistolar, Medic. l. 1. Epist. 66. Confer etiam Ep. 13. i) part. i. de Universo, fol. 16R.

§. 22. Illud adhuc monendum est, antequam ad alia transeamus, à nonnullis scriptoribus quædam animantia cum Salamandra confundi. utpote Chamæleontem, apud Bellov. & Physiologum, item Cincindelam sive Nocti lucam, apud Aut.lib.de Nat. Rer. a) Albertum Magnum b) Vincentium c) & Majolū a) Econtra Salamandræ attribuuntur, quæ ex veterum mente Chamæleonti competunt. Sunt enim, qui teste Gesnero β) à Salamandra ore hiante aerem captari dicant. Et id genus alia plura, quæ cum nugacis illius & inficeti seculi genium redoleant, huic dissertationi inferere religio mihi est. Hæc de Salamandra flammis invicta ex variorum scriptis adduxisse sufficiat.

§. 23. De aliis animalibus in igne viventibus haud memini aliquid melegisse, præterquam quod Schottus γ) ex Diogene Laertio refert, animalium aliqua absque coitu gigni, & ex horum numero esse, quæ in igne vivunt, & *τυρπίδια* vocantur.

SECT. III.

§. 1. Vidimus hactenus Autoritates, quibus Pyraustarum in igne ortus, & Salamandræ maxima vis contra ignem, firmari solet. Mirabitur quispiam Scriptores plerosque, quos longâ serie adduximus, nullas assertionis suæ rationes reddidisse. Facilis est responsio, videlicet alter præsuposuit semper alterius, quem descripsérat, experientiam, quam contra omnes rationes validissimam esse putârunt. Nonnulli tamen partim jam citati, partim citandi, animadverentes, nudam hanc traditionem, apud alios vix fidem impetraturam esse, fulcrum ei quæsi- verunt, aliud veteres, aliud recentiores, & quidem pro diversitate opinionum. Veteres hic ita segerunt, ut putas eos animalium quorundam in igne generationem & habitationem, suasuros nobis fuisse, et si nullus omnino hujus rei testis extitisset. Quamvis nonnunquam dubium sit, an de ignis sphæra sublunari seu elementari, an verò de igne culinari loquantur. Quid Veterum nonnulli sententiam ita pronunciat: *Na-* animalia in turæ ordo & perfecta dispositio postulat, ut sicut in reliquis tribus ele-

Quid Veterum nonnulli sententiam ita pronunciat: Na- animalia in turæ ordo & perfecta dispositio postulat, ut sicut in reliquis tribus ele-

1492

mentorum regionibus, terrestria ; aquatilia & volatilia degant animalia, ita quoq; aliqua sint, quæ in igneo degant tractu, ne inter elementa illud ponatur incultum & infrequens, quod cœteris nobilitate præstat.

§. 2. An Patronus iste verè ex veterum mente causam peroraverit, inquirendum est. Adducitur ab ipso ε) hanc in rem locus Aristotelis, in quo eum ita scribere perhibet: *Unumquodq; elementum sedes & domicilium est aliorum, quæ in ipso nascuntur & sunt.* Aristotelis ζ) ipsius textum si evolvimus, deprehendimus eo in loco, quem citat Mendoza, à Philosopho manifestè innuita animalium genera, terrestre nimirum, aereum & aquatile. De quarto sive igneo, in sphæra ignis, quid Aristoteles in illo loco senserit, fateor difficilem esse conjecturam. Hoc certum est, Philosophus ibi, sive negativè, sive affirmativè concludat, innuit peculiare quoddam animantium genus, cuius natura planè diversa sit à natura reliquorum animalium, quæ globum hunc terrestrem, sive mediante aqua, sive immediate inhabitant. Præteribimus itaque hâc vice Aristotelis locum.

§. 3. Quadripartitam animalium divisionem, etiam fundamenti loco supponit Philo Judæus, ut patet ex ejus verbis supra η) citatis: alterum ejusdem Scriptoris locum hac de re, notatu dignum nunc ascribimus : θ) Ανάγκη γδ ὄλον διόλων τὸν κόσμον ἐμψυχῶθαι, τὸν πεώτων καὶ σοιχιωδῶν μερῶν ἀκάτε τὰ ὄπεια καὶ περίσφορα ζῶα πελέχονται. Γῆς μὲν τὰ χερσαῖα, Θαλάτης δὲ καὶ ποταμῶν τὰ ἔνυδρα, πυρὸς δὲ τὰ πυρεῖα. Λόγος δέ ἔχει ταῦτα κακεδονίαν μάλιστα γίνεσθαι.

Idem alibi i) his non prorsus absimilia tradit, quæ si lubeat lege. Eodem modo argumentatur Apulejus : ii) In quaunque parte Naturæ propria animalia versantur. Nam cum quatuor sint Elementa notissima, veluti quadrifariam Natura magnis partibus determinata quæ sit, propria animalia terrarum & flamarum, siquidem Aristoteles Autor est, in fornacibus flagrantibus, quedam animalia propria, pennulis apta volitare, totumq; ævum suum in igne diversari, cum eō oriri, cumq; eō extingui. His ferè cōsentanea tradit Seneca,

i) l. cit. ζ) l.3. d. Gen. Anim. c.ii, ii) §.10. sect. I. θ) de Gigantibus, ii) Philo de Agricultur. p.183. Ed. Parisi. ii) de Dco Socratis p.46.

λ) & Balbus Ciceronianus. μ) Adducitur quoque à Mendoza
ν) pro sententia hac Ovidius ξ) in illo versu:

Ne regio foret ulla suis animantibus orba.

Sed Ovidius in recensendis istis animalibus, ubi ad ignea per-
venit, astra subinnuit, quæ animata esse, & in æthere vivere pu-
tabantur, ut alias dictum. Itaque testimonium ejus ad præsens
negotium, ubi de veris animalibus sermo est, minus rectè ac-
commodatur.

§. 4. Apparet ex his, quid ansam dederit nonnullis, ut ani-
malia in igne viventia, partim ipsi configerent, partim ab aliis
excogitata propugnarent: nimirum antiqua illa lateque disse-
minata opinio, naturam in hoc Universo inter formas nullum
vacuum inexpletum reliquisse. Admittendum autem esse pu-
tabant ejusmodi vacuum formarum, si non quemadmodum ae-
reum, terrestre & aquatile, ita etiam igneum quoddam exi-
steret animalium genus.

§. 5. Si quis verò inquirat, ecquānam ratione fieri possit, ut
animalia in voracissimo Elemento generari, vivere, ejusque
violentiam sustinere queant, parùm hac de re apud Veteres
reperiet. Plinius saltem aliquique pauci, quod Salamandra
ignem extinguat, & ab eo haud uratur, causam quæfivisse viden-
tur, in insigni hujus animantis frigiditate. Recentiores itaque,
qui hac in parte veterum suscepere patrocinium, audiamus ne-
cessē est. Hi, etsi nullum à propria experientia deductum argu-
mentum in aciem producere queant, variis tamen modis op-
nioni veterum aliquam conciliare student probabilitatem.
Ipsos met videamus.

§. 6. Principem inter eos locum obtinet subtilitatum Magi-
ster J. C. Scaliger, ο) qui Cardanum laudat, quod Pyraustas di-
xerit ex recreementis oriri, in eo verò reprehendit, quod dixe-
rit, eas è putredine generari. Si ipsius Cardani π) scripta
evolvimus, negat in illis, Pyraustas in igne generari; sed in
ignis vicinâ parte oriri, afferit. Quodnam autem assertionis

Rationes
Quibus re-
centiores ani-
malium in
igne ortum
propugnac-

λ) Nat. Quæst. I. 5. c. 5. & 6. μ) Cic. lib. I. & I. 2. de Nat. Deor. ν) Virid. p. 266.
ξ) Ovid. I. Metam. ο) Exercitat. 9. & 23. & 194. de Subtil. π) Cardanus de
Subtilit. I. 9. p. 657. & act. I. in calum. p. 1304.

suæfundamentum ponit Scaliger? Audiamns eum ita intonantem: *Ferula castigandi sunt, qui hoc quasi temere proditum ab Aristotele calumniantur, temerarii ipsi reprehensoris, cum ea quæ nuper in aliis terrarum mariumque tractibus inventa sint, contemplamur, omnia jam libet credere. Et subest ratio. In metallis nisi esset humor, non fluenter.* Quid impedit naturam, quo minus ei formam dei? Paulò post objectionem aliquam contra Cypriæ volucres Aristotelis, à silentio Galeni, qui & ipse Cyprum inviserat, desumptam, diluere conatur. Respondet autem variis modis: *Galenum si quid hac in re ab Aristotele falso proditum cognovisset, id tanquam mendacium ei, cuius famæ maculam aspergere volebat, objectum fuisset: Galenum cum per septem dieculas in Cypro egerit, Pyraustas illas non vidisse, aut non rogasse fornacarios, aut ut rem vulgatam neglexisse. Ipsa verò generationem ita confirmat: Nihil prohibet humidissimo elemento humidissimas generari animantes, cuiusmodi pisces sunt, nihil in siccissimo siccissimas, &c.* Hæc verbosius exscribenda erant, quia Scaliger id præcipue hîc agit, ut Aristoteli fidem conciliet.

§. 7. Locum Aristotelis de Pyraustis explicandū sibi quoq; sumsite Hieron. Mercurialis, g) eumq; contulit cum loco Strabonis supra σ) citato. Existimat autem, Aristotelem atque Strabonem animalium horum generationem constituere ex igne, ranquam ex materia. Propterea creditu difficultia hæc pronunciat, quod ad animalium generationem necessariò tūm calor tum humor requiratur, quorum hic ab igne maximè abest. Tandem ita concludit: *Animalia apparentia in fornacibus metallorum, potius crediderim exterra metallis commixta, in qua nascuntur, erumpere, quam in igne ipso oriri.*

§. 8. Bustamantinus τ) cum duos diversos modos proposuisset, quibus Salamandra generari creditur, videlicet vel ex imbris, vel ex ovo, tertium quoque adducit & amplectitur, nimirum generationem in igne. Multa hac de re, confusè satis disputat, quæ vix videntur tanti esse, ut à nobis adducantur omnia. Nonnulla saltem ejus verba recitamus; *Nihil, ait, fieri vetat-ex igne elatis vaporibus viscidis, natura algentibus parte aqua juncta mistæ materie, quæ exurritur propitia Cœli influentia sis mistis apta, astum medio progignentur,*

e) variar. leæt. libr. 3. cap. 14. σ) Sect. I. §. 9. τ) de anim. script. facr. l. 6. cap. 3.

ut Pyrionia illa in fornace. In sequentibus eadem ferè repetit Bustam. & tandem concludit: *Hoc modo Salamandram vaporibus illius alteratis dispositis in animantis formam oriri, &c.*

§. 9. Invenerunt Pyraustæ recentissimè quoque patronos, & tales, quos in harum rerum tractatione omne ferè punctum tulisse diceret: forsitan tamen non ipsæ invenerunt, sed Aristoteles, imò Aristotelis autoritas. Nirenbergius ν) concedit in igne generari Pyraustas, sed non exigne. Ex quoniam igitur? Ex aqua aut terrea substantia. Nirenbergio calculum suum addit Schottus ϕ) cui probabilius videatur, dicta animalia in igne generari ex materia fumis & vaporibus mista. Apparet ex his, consentire ferè Scaligerum, Mercurialem, Bustam, Nirembergium & Schottum in hoc, quod animalia ista in igne generari dicant. Hæc ferè sunt, quæ pro generatione in igne sive Pyraustæ sive Salamandræ afferri solent.

§. 10. Vitam, & innoxiam animalium quorundam in igne commorationem, maximè firmare solent exemplis quarundam rerum, quas igni resistere experimento constat. Alii existimant, animalia ista ab igne haud lædi, quod habeant temperamentum igni familiare, ut videtur Schotto: χ) alii, quod frigidissima sint hæc animalia atq; humida, quæ Majoli ψ) sententia est. Hæc omnia in sequenti capite clariora fient.

C A P U T II.

§. 1. Dictum est hactenus, quid pro mirabili quorundam animalium ex igne ortu adferri soleat, dictum quibus rationibus portentosa eorundem in igne habitatio fulciatur. Stetit hucusque Pyraustarum ortus, viguerunt Salamandræ in mediis flammis. Postulae nunc instituti ratio, ut quicquid in priori capite ex sententia quorundam extruximus, in hoc capite funditus evertamus. Ut opinionem antiquissimam equidem, longâque testimoniorum serie stipatam, infirmam tamen debilique superstructam fundamento, destruamus.

§. 2. Et primo quidem, ut ordine procedamus, ex Veteribus illos aggredimur, qui naturam quasi cujusdam imperfectionis insimulandam esse putabant, nisi ut reliquis elementis, & vitam sive etiam igni, quædam indidisset animalia. Fateor equidem non probat

D cum

ν) Histor. Natur. l. 4. c. 18. ϕ) Physic. Curios. l. 7. c. 8. χ) loc. cit. ψ) Canicul. Dier. Colloq. 5.

cum senioribus Philosophis atque Theologis, naturam senpotius Autorem Naturæ, DEUM TER OPT. MAX. nihil intermis-
sse, quod ad complementum ficeret hujus Universi a se condi-
ti, sed tot talesque animantium formas, quales isti Philosophi
sibi confinxerunt, eum produxisse, illud negamus atque perne-
gamus. Nihil itaque splendori hujus orbis decedit, etsi non
contineat animalia ignigena seu in igne viventia, neque Sapi-
entissimus Creator adhac talia producenda obstrictus fuit. Si
ab initio Deus non produxit ejusmodi animalia ignea, adhuc
tamen vacuum suum informe admittere cogentur, qui illud
exterminare cupiunt. Quod autem Deus non condiderit e-
jusmodi animalia, patet ex historia Creationis, in qua duo sal-
tem elementa memorantur, ex quibus Deus prodire jussit uni-
versum animantium genus: tribuitur autem aer avibus eam,
ob causam, quia aves enndem, maximam ævi sui partem, libe-
rè pervagantur. De igne altum ubique est silentium. Si Liba-
vio ω) conservationem rerum & generationem in natura institu-
tâ, licuit appellare imaginē creatonis; cur nobis nō liceat crea-
tionem vocare imaginē cōservationis? Ille sic concludit: Vo-
luntas posterior conservativa, illustrat antecedentem crea-
tivam, itaque ex vitâ concludere de materia creationis licet.
Quid obstat quo minus nos idem inverso modo dicamus? Hæ
animalium partitione, interrestria, aquatilia, & aere ipse Spi-
ritus Dei ω) utitur.

§. 3. Tripartitam hanc animalium divisionem non sacra solùm pagina comprobat, sed & scriptores profani observarunt. Quod imprimis ex Varrone α) patet. Pleriq; autem aeri tribuunt aves. His etiam Imperatorem Justinianum accedere Magius β) probat. Ignem verò animali generando materiam neutiquam præbere, iis visum est, ideoque cum Vestæ nomine ignem intelligerent, & ipsam Virginem fecerunt, & virgines ei consecrarunt. Quo referas Ovidii versus: γ)

*Nec tu aliud Vestam, quam puram intelligeflammam,
Nataq de flammis corpora nulla vides.*

Quam
 α) Confer Psal. 8. v. 9. & ut Ravanellus existimat, fundatur hæc partitio quoq; in Genes. I. v. 28. Deut. 4. v. 17. Sophon. I. v. 2. ω) Libav. d. Univ. rer. hypomn. ad l. 6. Sect. 21. α) L. 4. de Ling. Lat. β) ex Instit. da Jur. Nat. Gent. & Civ. §. I. & de Rer. Div. §. feræ. Miscellan. I. I. c. 21. γ) ē. Fastor.

Quam elegantissimam observationem Viro doctissimo Anton. Mu^{reto}^δ) nos debere, libenter fatemur.

§. 4. Ad magis specialia descendamus. Ubi ante omnia monendum est, autoritatem Veterum, ad stabiliendum quorundam animantium ex igne ortum, neutiquam sufficientem esse, licet hæc imposuerit. Clarissimis Viris, Scaligero, Majolo, Nirenbergio, Sehotto Aristotelis aliisque, ut admitterent Pyraustarum historiam. Didicimus & nos Aristoteli, aliisque priscis Scriptoribus fidem adhibere, sed ita, ut etiam aliquid rationibus, atque recentiorum observationibus tribuamus. Nec verò quicquam moramur Scaligeri invectivas in eos, qui aliquid fabulosi Veterum traditionibus hac in re subesse putant. Certè Scaliger in hac disputatione ita se gerit, ut facile intelligas, eum impatienti, Aristotelem excusandi, desiderio abreptum fuisse. Ipsum Aristotelem quod concernit, an hæc de Pyraustis ex aliorum mente, an ex propriâ sententia retulerit, nobis parum interest. Prius arripiunt Conimbricenses, ε) Hoc certum est, Aristotelem hæc ex auditu referre, proprio verò experimento haud quaquam inniti. Scio adversariis in promptu erit ad hæc regerere: Probabile potius esse, Aristotelem fuisse αὐτός την hujus rei, non tam quod ipse Gyprum peragrasse videatur, quam quia in enarratione hujus historiæ tot adjecit circumstantias. Meminit Chalcitis lapidis; item ærarium fornacum: item magnitudinis horum animalculorum; sed respondeo, non obstantibus his circumstantiis (illam de ærariis fornacibus non admitto, nihil enim hac de re in textu Aristotelis) nostram sententiam veriorem esse, quia, si Philosophus hanc de Pyraustis historiam experimento deprehendisset veram, in aliis locis manifestè sibi contradixisset. Reperio autem tria præcipue loca, ex quibus hæc contradictione probari potest. In primo ζ) dicit Aristoteles: *Nihil qui sæpe con-ex glacie generatur neq; ex igne: In altero: η) in terra & in aqua trariumasserit. solum animalia sunt, in aere autem & in igne non sunt, quia corporum materia hæc. In tertio: θ) Ignis nullum animal generat, neq; constitui quicquam densis vel humidis vel siccis videtur.* Hanc objectio-

D 2

nis

δ) Variar. lect. I. 16. c. 2. ε) in librum I. Aristot. de generat. & corrupt. c. 5. qv. 7. & in probl. ad libr. Aristot. de Cœlo sect. 4. p. 547. ζ) de generat. & corrupt. l. 2. c. 3. text. 21. η) Meteorol. I. 4. c. 4. θ) de generat. animal. l. 2. c. 2. Nescio quid in mentem venerit Keckermanno, qui probaturus ex Aristot. nullum animal in igne vivere, adducit l. 5. c. 19. Hist. cum ibi Arist. contrarium afferat, Idem accedit Aldrovando de Insect. I. 6. c. 2.

nis sagittam prævidens Nirenbergius, ex coque Schottus, eam sic declinare fatigunt, ut dicant, in illo loco (quem solum putant pro contradictione adduci) in quo dicit Arist. $\delta\delta\epsilon\nu\gamma\eta\tau\alpha\gamma\epsilon\kappa\omega\pi\epsilon\sigma$ &c. sermonem esse de generatione, quæ fit ex igne, tanquam ex materia. In hoc autem loco, de generatione, quæ fit in igne. Hac ratione putant, se Philosophum à contradictione liberasse, Sed inspiciant, quæso, verba Aristotelis, quibus negat ullum animal in igne vivere, quæ scio ab iis observata haud fuisse, Sed hæc leviora sunt.

S. 5. Aliam medicinam loco Aristotelis de Pyraustis adhibere conatur Pererius. I) Postquam enim exemplum de Pyriconis ex Aristotele aliisque adduxisset, de eo sic Pronunciat: *Illa vero animalia propterea dicuntur vivere in igne, non quia vivant in mediis flammis posita, sed quia nisi in calidissimis locis & juxta ignem vivere non possunt. An hæc Aristotelis mens fuerit vehementer dubito. Aristoteles certè ait, animalcula ista generari $\delta\nu\omega\pi\epsilon\jmath$, non ergo juxta ignem. Nec video, quâ ratione Arist. ea $\delta\nu\omega\pi\epsilon\jmath\alpha\tau\omega\pi\alpha\tau\omega\pi\epsilon\sigma$ generari dicere potuisset, si juxta ignem oriri statuisset. Nihil enim obstat, quo minus aliquid non procul ab igne ex materia putrida generetur. Illud facilius concederim, deprehensa primum fuisse ejusmodi animalcula pennata, sive in Cypro sive in Eubocæ oppido Carysto, sive alibi, quæ non nisi propè ignem ævum suum transegerint. Ut Bodinus $\text{x})$ recenset, Pyraustas domesticum quoddam Locustarum genus, in Caminis & fornacibus versari. De quibus idem paulò post ita pronunciat: *Circa fornaces in cavernulis à vapore calido humido gignuntur, ealoribus fœventur, nusquam tamen in ipsis ignibus versari conspiciuntur, quin potius in ignem conjectare uruntur & moriuntur protinus. Qui autem primus ejusmodi volucres juxta ignem, forte à longinquo conspexerat, putavit ex igne oriri, & ignem involare. Cui narrationi alii subinde plura addiderunt.**

S. 6. Quæ Scaliger de silentio Galeni ad salvandam Aristotelis autoritatem disputat, digna non sunt, ut à nobis prolixè discutiantur, $\kappa\epsilon\pi\pi\epsilon\pi\alpha$ certè, quæ prosua sententia affert, eadem facilitate, qua ipse probat, à nobis improbantur. Multa mirabilia, ope præprimis navigationum, inventa esse, neutiquam diffitemur, sed de animalibus igneis apud Scriptores recentiores

$\text{i})$ Commentar. in Daniel, l.3, p. 147. $\text{x})$ Theatr. Natur, l.3, p. 310.

res fide dignos altum ubique est silentium. Si Scaliger aliquid experientiâ, sive ex fide digna relatione, hac de re compertum habuisset, haud dubiè illud ad Aristotelis autoritatem stabiliendam, in medium allaturus fuisset.

§. 7. Jam, quibus potissimum rationibus opinio de animalibus ignigenis confutari posse, videamus. Præmonendum hîc est, dupliciter aliquid posse dici in igne generari. 1. Ut materia generationis constituatur solum elementum, sive ipsa ignis substantia. 2. Ut generatio quidem fieri dicatur in igne, non tamen ex igne, sed ex materia igni immista terrea authumida. Generationem prioris modi à veteribus admissam fuisse censent nonnulli recentiorum, sed cum nimis inepta sit illa sententia, crediderim potius, eos plerosque modum posteriorem generationis in igne, intendisse. De Aristotele saltem dubium non est, quin Pyraustas hoc posteriori modo oriri dixerit, ut recte advertunt Nirenbergius & Schottus λ) & notatur hac de causa Theod. Gaza à Scaligero, μ) quod verba Aristotelis εν πυρί γίνεται transtulerit: *in medio igne nascuntur*. Ad priorem modum magis accedere videtur Plinius, Ælianus, & Seneca, qui igni tribuit vim vitalem. His accenseri possunt illi, qui teste Senguerdio, ν) Salamandram ex ipso elemento ignis oriri crediderunt. His itaque, qui hanc propugnant generationem, sequentes opponimus rationes.

§. 8. 1. Omne corpus vivens est mixtum, si mixtum, constat ex quatuor elementis, & consequenter habet in se temperiem primarum qualitatum, sine qua consistere nequit, quod patet è contrario, corruptitur enim corpus, ex dissolutione primarum qualitatum. Si autem omne corpus vivens est heterogeneum, sequitur non posse generari ex homogeneo; ignis autem et si impurus, est materia homogena sive corpus simplex, quantum tenus opponitur mixto. Ita sentit Aristoteles ξ) Conimbricenses ο) Senguerdius π) & alii. 2. Omnia viventia generantur ex humido, nihil verò generatur ex materia nimis sicca, qualis de-

Nullam ani-
mal generatur

ex Substantia
ignis.

D 3 pre-

λ) loc. cit. μ) Comment. in Histor. Animal. Aristot. lib. 5. c. 18. Confer eundem Exercit. 23. ν) Exercit. Physica 38. ξ) de generat. & corrupt. l. I. cap. 10. & l. 2. c. 8. ο) ad Aristot. de gen. & corr. l. I. c. 10. qv. 2. & ad lib. 2. c. 8. π) loc. cit.

prehenditur esse ignis. Multo magis, quæ æquivoce generantur, necesse est ex humido oriri, nimis ex putredine, quod manifestè innuit Aristoteles, ε) Mercurialis. σ) Ignis autem nequaquam putrescit, teste eodem Philosopho. Excipiet forsitan aliquis, non quidem ex elemento ignis generari vivens mixtum, sed tamen ejusmodi vivens, cuius natura respondeat illi Elemento, cui ortum debet, & ita ex igne nasci animalia flammida, ut Apuleius τ) vocat. Itaque dicendum 3. Si animalia ejusdem naturæ essent cum igne, easdem etiam obtinerent qualitates, consequenter ascenderent motu suo naturali, & ad locum proprium, sphæram puto ignis (ex Aristotelis hypothesibus loquor) properarent. 4. Quibus rationibus Thomas Aquinas υ) probat, nullum aereum animal esse; cum corpus organicum esse nequeat, nisi terminum figuramq; adipisci queat: Iis etiam nobis, animalia illa flammida naturâ rerum exterminare, liceat. 5. Aliam Aristotelis Φ) probationem adducimus: Existimat ille, calorem in semine esse, cuius natura respondeat calor i cœlesti, & faciat, ut semen fœcundum sit, &c. Illum dicit nequaquam ignem esse, postea concludit, E. Ignem nullum animal generare. Magistri sui mentem explicat Averroes: χ) Ex igne, ait, apertum est, non gigni animal, neq; tandem nullum animatum: ejus enim naturæ non est præstare formam & figuram alicui rei: Et paulò post: Ejus naturæ non est conservare Entia, longè minus præstare iis figuram & formam.

§. 9. Nullum animal generari ex materia igni immista probamus: Animalis materia, antequam formæ uniatur, præparari debet ad recipiendam formam. Hæc autem præparatio non nisi lentè & successive fieri potest. Ignis autem violentus motus isque continuus, subjectam materiam haud patitur quiescere, adeoq; nec sensim alterari, nec ad partes debitæ disponi. Quæ ratio cùm primis arridet Clariss. Senguerdio, ψ) viro, in natura animalium scrutanda, exercitatissimo. Etiam si itaque in igne sive in subiecto ustibili sit materia humida & ter-

ε) Meteor. c. 1. l. 4. σ) Var. lect. l. 3, c. 14. τ) de Deo Socr. p. 46. υ) de malo mater. 16. qv. i. φ) de gener. an. 1. 2. c. 3. χ) in paraphrasi ad Aristot. loc. cit. p. 75. Hanc ipsam Philosophi sententiam latius explicat Aldrov. de. Insect. p. 2. ψ) loc. cit.

rea, juxta Nirenbergium, & Schottum: terra metallis com-mixta, juxta Mercurialem: vapores viscidi & algentes, juxta Bustamantium; humor metalli juxta Scaligerum: Natura tamen ignis non admittit, ut istæ materiæ in animantis formam alterentur, quod tamen Bustamantius presupponere videtur, ut patet ex ejus verbis supra citatis. Aliud Argumentum contra generationem animalis in igne, à voracitate ignis desumptū, postea urgebimus, ubi vitam animalis in igne destructuri sumus, simulque adobjectiones respondebimus.

§. io. Accedimus jam ad alteram problematis nostri partem, qua quæritur, utrum animal, & in specie Salamandra & *τυειγονα* in igne vivant, nec ne? Affirmativam ut teneamus, suadet ejus antiquitas, & tot veterum scriptorum testimonia. Quibus tamen non obstantibus, negativam amplectimur. Ut autem veritas è magis elucescat, in ipsam hujus traditionis originem inquirere juvat, quod è commodius fiet, si de vera natura & constitutione Salamandrae, quâ recentioribus visa est, quâq; veterū nonnullis innotuisse credibile est, aliquid præmittamus. Notandum, Salamandram esse Lacertæ speciem (hinc factum, ut à quibusdam malè pro verme venditaretur, monente Gesnero) ω) venenatam, α) frigidissimam, β) cute disrupta sed scabriori & alperiori. Quod posterius in primis patet ex effigie Salamandrae, quam ad vivum expressam exhibent Gesnerus γ , Jac. Grevinus δ) ex Matthiolo, Camerarius ϵ) & Schottus. ζ)

§. ii. Indicandum autem primo est, quâ ratione Salamandra per aliquod temporis spatium non ita longum vel flammam sustineat, vel prunis imposita eas extingvat. Scaliger inquit: $\text{S})$ *Salamandra prunis injecta extinxit eas, non ut puto frigiditate, sed lentore.* Idem ex propria experientia testatur Matthiolus, Ob frigiditatem suam igni resistere Schottus $\text{n})$ existimat, & Jorach λ) qui tamen malè pro hac sententia citat Aristotelem, notatus proinde à Gesnero μ) Alia adhuc hujus rei ratio, & quidē, meo judicio, non inepta affertur à Claremontano, ν) qui *Sala-*

man.

ω) Hist. An. l. 2. de Ovip. quadr. p. 74. α) Gesn. I. c. p. 83. Majolus Colloq. Canicular. β) Gersner. p. 78. γ) p. 74. δ) de Venenis lib. I. c. 29. ex Latina versione Hier. Martii, Grevinus enim Gallicè scripsit. ϵ) Cent. 4. Emblem. 69. ζ) Phys. 108. 9. 3 Exercit. 185. de subtil. $\text{I})$ In Dioscoridem apud Gesner. I. c. $\text{n})$ Phys. Cur. 1, 7. c. 8. 6 λ) apud Gesner. I. c. μ) p. 77. ν) de Venenis I. I. c. 29.

mandram ex limo procreari existimat; qui limus deinde ita se in cutem insinuet, ut longissimo tempore in igne illæsa consistere possit, antequam ab eo absumatur. Similiter quoque Albertus Magnus ξ) hujus rei causam in pellis crassitie collocat.

S. 12. Hisce præmissis facilem esse conjecturam puto, cur nonnulli scriptores etiam antiquissimi Salamandram non solum in igne illæsam consistere, sed & perpetuò vicitare dixerint. Viderat fortasse aliquis Salamandram, quæ in ignem injecta, non statim in eo combusta fuit, sed eum lentore quodam & mucilagine per cutem effluente, sive mole corporis extinxit, vel crassa & limosâ pelle sua ignem illæsa perambulavit. Hac de re cùm fama ad alios perlata esset, qui minus attentè rem gestam perceperunt, iique porrò nonnihil addiderunt, ut sæpe in repetitis narrationibus accidere solet (fama enim crescendo, ut Poeta loquitur) nata primùm est indè fabula, Salamandram simpliciter nihil ab igne pati; deinde ignem quemcunque extinguere: tertio in igne generari: 4. perpetuò in igne commorari atque etiam nutriri, & 5. (ne stultitiæ finis esset,) eam vivere in sphæra ignis elementaris lunæ subiecta. Hinc porrò factum, ut etiam aliis rebus, quæ igni resisterent, nomen Salamandræ imponeretur. It: ut linteis quibusdam incombustibiliis tribueretur, quasi ex Salamandræ animantis cute sive pilis sive pennis, quas nunquam habuit, confecta essent. Ex hoc fonte persuasionem suam hausit Autor Kiranidum \circ) Salamandræ cor gestatum, securitatem ab igne præstare, & audaciam contra incendium, & incremabilem reddere.

S. 13. Quod autem tam veterum quam recentiorum quidam ad credendam fabulam de vita Salamandræ in igne, proniores fuerint, inde factum esse conjiciunt viri docti, quod plerique eorum Salamandram veram propriis oculis non inspexerint, & econtra nimis propensè aliorum narrationibus fidem adjunixerint. Percurramus singula superius adducta Testimonia Autorum veterum, & à nullo propriam experientiam (quæ huic rei sufficeret) allegatam fuisse, deprehendere licebit. Aristotele π) de Salamandra ex auditu locutum esse indicat $\tau\varphi\omega\delta\sigma\pi\alpha$.

ξ) de Animal. \circ) cap. de Salam. π) loc. cit.

ex quo, qvum addit, ὡς Φαστι, Plinius expressè refert, illud quod
de ignis extincione (per Salamandram) dicebatur, suo tempore Ro-
mæ adhuc incomptum fuisse. Imo, quod mireris, contigit
hoc etiam recentioribus temporibus. Salamandræ (verba sunt
Grevini σ) celebris admodum fuit sub Imperio Francisci Regis paren-
tissimi, quam ipse pro symbolo sibi elegerat. Famâ tamen solum, &
nominenon aliter plerisq; cognita fuit, picturæ enim omnes, quæ hacte-
nus fuerunt ostensæ, tam veræ Salamandræ, quam asinus equo respon-
dent. Qua de re simile Judicium legas apud Gesner. τ)

§. 14. Qua occasione Salamandra ignibus damnata fuerit,
vidimus, quomodo & quando eisdem rursus fuerit exenta,
operæ pretium est ut inquiramus. Quamvis autem opinio hæc
antiquissima latè disseminata & à plerisq; recepta fuerit, reperi-
ti tamen sunt Scriptores nō minus ob antiquitatē celebres, qui i. Salaman-
dram non in
ei fidem detrahere neutiquā dubitarunt, quos vel contrarium
expertos, vel absurditate hujus opinionis eò adductos fuisse di-
xeris. Et, quod maximè nos confirmat, Medici fuerunt, qui dili-
gentius in ejusmodi res inquisiverūt, quam laudē tantum abest Confirmatur,
ut ipsis denegemus, ut potius pro detecta veritate gratias aga-
mus. Primus eorum, quos sciam, si fides est habenda August.
Nipho v) fuit magnus ille discipulus maximi Preceptoris, Theo- Autoritate
phraustus Eresius, qui testatur Salamandram in igne comburi, si
in eo diu mansitet. Huic subjungimus Sextium, qui, (si ille est
qui aquas Sextias condidit) Dioscoridem & Plinium anteces-
tit, de quo habentur hæc Plinii φ verba: *Sextius ignem abiis (Sala-*
mandris) restinguinebat. Consentit cum hoc Dioscorides χ qui
& ipse antiquissimus (Æram enim Christianam, quanquam bre-
vi, antecessit) cuius hæc sunt verba: Σαλαμάνδρης εἰδὼς ὅτι σαύρας,
ὅτι δὲ νωχελές, ποικίλον, μάτην πισευθὲν μὴ καιεθαι. Idem paulo
post in eodem capite, Salamandræ καείσης, id est ustæ, meminit,
Eadem clarissimè confirmingant Galenus ψ) quem de mortua
E Sala-

ρ) lib. 29. c. 4. σ) c. 29. l. I. de Ven. τ) quadrup. l. 2. p. 74. ν) apud Gesner. de
Anim. quadr. l. 2. p. 77. Quo loco Theophrastus verba illa habeat, quæ citat Ni-
phus, non additur à Gesnere φ) lib. 29. c. 8 hist. nat. χ) de Med. mater. l. 2. c.
67. A plerisque citatur c. 56.) Conf. in h. l. doctiss. annotat. Jan. Anton. Sar-
ceni p. 32. ψ) 3. de Temperam.

Salamandra loqui falsò suspicatur Joach. Camerarius ω) contra Bordæum) Aetius, Antiochenus Medicus α) Paulus Ægine-ta β) Thomas γ) Matthiolus δ) Niphus ε) Agricola. ζ) Lonicerus, Hadamarius, Stæbe η) Grevinus θ) Pierius, ι) aliquem Horum plerique propria experientia combustæ Salamandræ commoti, veterum fabulis de natura hujus animalis, ignibus invicta, diffidere didicerunt.

Resp.ad testim.
Æliani &
Olymp.

§. 15. Sed quomodo cavebimus nos ab Æliano & Olympiodoro, qui etsi non propriam experientiam, fabrorum tamen fide digna testimonia in contrarium afferunt? Responderi potest dupliciter, 1. Negando, Fabros illos omnia fideliter de Salamandra retulisse. 2. concedendo Salamandas obstitisse, quo minus ignis consuetō more flagraret, partim emisso humore aliquo, partim crassitie pellis, partim etiam pondere corporis, quo ignem obruerunt: id enim etiam aliæ res humidæ, frigidæ, crassæ, & ponderosæ efficere solent. Indè tamen non sequitur, Salamandram, si in ignem validissimum conjiciatur, cui restinguendo humor ejus non sufficiat, illæsam conservari. Hæc etiam de testimonijis, quæ pro & contra adduci solent, dixisse sufficiat. Quod $\pi\upsilon\epsilon\beta\iota\alpha$ Laertii concernit, que à Schotto & ab ipso Laertii Interpretate Latino pro animalibus in igne viventibus venditantur, an talia Laertius revera intelligat, dubitare me facit Suidas, κ) qui $\pi\upsilon\epsilon\beta\iota\alpha$ explicat per τὰ εἰς τὸ πῦρ πίστοντα Ζωῆφια; & postea quasi Exemplum hujus significationis adducturus, subjungit locum Diogenis Laertii, de quo sermo est impræsentiarum.

2. Nec ullum
animal: con-
firm.

Rationibus.

§. 16. Rationibus nunc adversarios adoriamur, quibus stabilitis objectiones, quas ipsi in contrarium afferunt, breviter quoque discutiemus. Cum autem diversæ sint opiniones, aliis afferentibus, animalia quædam in igne durare posse illæsa; aliis, extra ignem esse non posse, &c. diversis quoque solutionibus indigent. Prodigiosam illam opinionem, quod Salamandra vivat in igne sublunari, recitare est refutare. Qua ratione enim animali pateat accessus ad illum ignem, ad quem ne aves, (quæ tamen Poetis altivolantes audiunt)

ω) Emblem. 69. cent. 4. α) sermon. 13. c. 52. Ed. lat. Cornar. Bustam citat etiam Aet. serm. 4.c.52. β) apud Gesn. p.79. γ) 4. sentent. dist. 44. qv.3. δ) in Dioscor. loc.cit. ς) ap. Gesn.l.c. ζ) ibid. η) apud Bustam. de anim. script. sacr. l.6.c.2. ϑ) de Venen. l.c. ι) Hierog. l.16.c.24. κ) in voc. $\pi\upsilon\epsilon\beta\iota\alpha$.

pertingunt, quippe quarum nulla ultra Olympiveticem sublimatur, ut loquitur Apulejus ^λ)

§. 17. 2. Illis, qui dicunt animalia ita vivere in igne, ut eum non nisi cum dispendio vitæ excedant, & in igne nutriantur, opponimus i.) si animalia ista in igne perpetuò viverent, non possent respirare: desumti à respirationem autem omnibus animantibus, quæ pulmone & sanguine prædicta sunt, necessariam esse, communis est Philosophorum sententia. Ita expressè Aristoteles. μ) Vide etiam Conimbricenses. Imò & iis quæ pulmone carent, ut insectis & exsanguibus, analogicā saltem respiratione, seu potius refrigeratione, opus est. Nullum enim est animal, quod non gaudet interno calore, qui vel extinguitur, immodi frigoris appulsi, vel marcescit (in pedestribus) refrigerantis aeris defectu. Necesse itaque est, ut aere circumstante temperetur. Illa enim quoque animalia μικρὸν ἔχοντα θερμὸν μικρὸς δέονται τῆς θείας, quæ modicum habent calorem, modico indigent auxilio, id est, refrigerio, verba sunt Philosophi. ν) Videatur de his idem Aristoteles ξ) Conimbricenses ο) Keckermannus. π) Hinc Pererius ε) inter miracula, quæ contigerunt circa conservationem trium sociorum Danielis in fornace Babylonica, etiam illud refert, quod Juvenes isti in igne potuerint respirare & liberè loqui. Apparet itaque nullum animal in mediis flammis positum, naturaliter respirare, adeoque nec vivere posse, quod ipsum in problematis nostri solutione Mendoza σ) animadvertisit.

§. 18. Porrò animalia ex igne nutrientum accipere propterea negandum est, quia nullum elementum simplex, id est, quatenus nutritionē extra mixtum consideratur, nutritionem animali præstare potest. Omne enim alimentum assumtum, converti debet in substantiam rei viventis, adeoque proportionatum esse debet rei alitæ. Ignis autem cùm sit simplex, converti in substantiam animalis, quod compositum est, nequit. Videantur Albertus Magnus τ) Conimbricenses ν) & Mendoza. Senguerdius signis voracitatem intensum calorem & siccitatem obstat dicit, quo minus sit alimentum Salamandræ. Nec

E 2

ex

λ) De Deo Socr. p. 45. μ) de respirat. c. i. & Conimbr. in comment. ad Aristot. loc. cit. c. 4. ν) de resp. c. 9. ξ) ibid. c. 8. & 9. ο) in Comment. c. i. & 4. π) Syst. Phys. l. 3. c. 18. ε) Comment. in Daniel. l. 4. p. 143. *σ) Virid. l. 4. problem. 26. τ) in op. de nutrim. ν) in Aristot. de gen. & corr. c. 5. qv. 7. Mendoza l. c. problem. 23.

ex materia fumida & vaporosa animalia ista nutriti possunt, cùm illa non satis idonea sit, ut in substantiam animalis convertatur. Porro alimentum trahitur à ventriculo, fumida autem ejusmodi substantia, cùm naturam ignis imitetur, in caput ascenderet, ut videmus in odoribus. Quod rectè ostendit Philosophus φ) contra Pythagoræos: & Dd. Conimbricenses χ) contra Quill. Parisiensem qui fumidam exhalationem nutrire dixit.

temperamento

ut Cardanus
 ψ) & alii.

S. 19. Restant adhuc ut probemus nulla anima!ia juxta consuetū nature cursu minoffensa inflam̄is perdurare posse ad longū temporis spatium ob excessum caloris. Quibus ante omnia opponimus: Ad vitam animantium requiritur certa temperies primarum qualitatum, sine qua sensio tactus exerceri nequit. Neminem autem puto (quod posterius attinet) animalibus tactum denegaturum esse. Illa temperies, qualis qualis sit, nullo modo consistere potest cum summo calore. Qui existimant animalia ista ignis patientia esse ob summam frigiditatem, oppidò falluntur: Ignis enim eò magis agit in contrariam sibi qualitatem: & posito, Pyraustam vel Salamandram esse frigidam in summo gradu, quia tamen ignis etiam in summo gradu calidus est, eam, licet contraria qualitate maximè insistat, tandem absimit. Vide Aurel. Coqueum ω) Aliam Sententiam Schotti verba pr̄ se ferunt, qui animalia ista igni resistere existimat non frigore nec antipathia seu odio naturæ; sed temperamento proprio igni familiari. Quibus regero; Si ponamus quasdam res inanimatas, ejusmodi temperamento præditas esse, non idem tamen fingenendum est in animalibus, quæ partibus dissimilaribus iisque molibus constant, quæ voracitati ignis ordinariè non resistunt. Quibus addo: Si pyrauste ex ipfius Niremb. & Schotti concessis (quibus addere licet Scaligerum, aliosque pyrigenum patronos)^y ex materia terrea & humida generantur, id est ex duobus elementis frigidis, necessariò erunt constitutionis maximè frigidæ: Sic autem patientur ab igne utpote a quo ob contrariam qualitatem maximè dissident.

S. 20. Alia quædam dubitandi momenta nobis adhuc solvenda sunt, antequam dissertationi huic finem imponamus. Afferuntur ad sententiam nostram infringendam Exempla re-

rum

φ) De sens. c. 4. χ) loc. cit. ψ) De subtil. l. 9. p. 654. ω) Comment. in Au-
gust. de Civ. Dei l. 12. c. 4.

rum tam inanimatarum quam animatarum, quæ tūm prīscis
tūm nostris temporibus in flammis integra consistere depre- Resp. ad Ob-
hensa sunt, ut Lapidis Carystii, Amianti, Pyrimachi, Adaman- jectiones,
tis, (qui ne quidem calefieri creditus est) Lini Asbestini, Carpa-
tii: qnæ omnia ab igne haud lāduntur. Imo līntea ex filamen-
tis Amianti, Salemandræ Tartaricæ & Lino Asbestino contexta
pūriora in igne reddi experimento nonnulli probant. Et plu-
ra exempla afferri possent, si opus esset. His autem exemplis
in contrarium allatis veritatem denegare videtur Pererius. a)
*Omne corpus, ait, ex Elementis compositum, & communem habet ma-
teriam cum igne, & ei reliqua qualitate contrarium esse necesse est,
quamobrem si ponatur in igne, fieri non potest, quin ignis in ipsum agat,
præsertim cum caloris magna sit efficacitas, & in igne summus calor.*
Secutus procul dubio est Thomam β) cui nullum corpus cor-
ruptibile diu in igne illæsum conservari videtur. Quia tamen,
ut diximus, mappas quasdam, si in ignem conjiciantur, purio-
res extrahi, experientiâ constat, universaliter cum Pererio con-
cludere nolumus.

¶. 21. Missa itaque Pererii responfione ita dicimus: Est corpora quædam inanima ejusmodi naturam habere, ut in medio igne nec incalescere, nec flammas concipere, nec consumi queant, inde tamen non efficitur, idem accidere corporibus animatis vivis, quæ sentiendi facultate prædicta sunt. Repete superius dicta. Committitur argumento illato Elenchus pa-
rium cùm longè alia sit ratio animalis, quam corporis quod sensibus eorumque organis destituitur. Nihil itaque proba-
rent argumenta Vitruvii γ) & Fallopii, δ) si firma essent, (falsi-
tatis enim hæc coarguit Pincier) ε) quibus ille laricem arde-
re negat; hic adamantem in igne nec incalescere, nec ardere,
nec consumi evincere conatur. Quorum primarium hoc est,
quod pori adamantis adeò sint compressi, ut ignem quantum-
libet subtilem non transmittant. Posito verum hoc esse de ada-
man-

mante, non tamen idem verum est de animalibus, cùm, ut Physici docent, etiam per poros fiat transpiratio. Et cito, animalia quædam habere cutem tenacissimè compactam, adhuc tamen per organa sensoria igni patebit aditus ad interiora.

§. 22. Progredimur ad res animatas, quibus animalis in igne vitam stabilire contendunt. Trahunt huc nonnulli Pierio teste ζ) Hirporum familias, De quibus hæc refert Plinius: (η *Haud procul, ait, urbe Roma, in Faliscorum agro, familiæ sunt paucæ quæ vocantur Hirpiæ; quæ sacrificio annuo, quod fit ad montem Soractem Apollini, super ambustum ligni struem umbulantes non adiunguntur.* θ) Solinus, *Hirpos insultare ardoribus lignorum struibus ait.* Quod ipsum etiam Strabo ι) refert. Et patet ex Virgilio κ) & Silio Italico. λ) De Vatibus Ægyptiorum refert Jamblichus μ) eos cum Dei afflatu implerentur & incitarentur, non nunquam ambulasse per medios signes. Recentiora adhuc exempla objiciunt. Audiamus Pierium: ο) *Ætate nostra, ait, vidimus Romæ Benedictum quendam Teutonicum, arte speculorum fabrum, qui non temere profitebatur, se per flamas medias incessurum, citra ullum vel capilli unius detrimentum, quem & plurimum, & Teutonico ritu valde promissum habebat, &c.*

§. 23. His tamen aliisque similibus exemplis non obstantibus, sententiam nostram supra declaratam veram esse censemus. Negamus autem simpliciter, exempla hominum, qui ignem perambulaverunt, naturaliter & sine adhibitis præstigiis contigisse. Hirpinas familias jam pridem fraudis coarguit Varro, de quo Servius ξ) hunc in modum loquitur: *Varro, ubique expugnator religionis, ait, quum quoddam medicamentum describeret: & ut solent Hirpini; qui ambulaturi per ignem, medicamento plantas tingunt.* Pierius exemplo à se allato hæc verba subjungit: *Aebat Benedictus, hoc se arte magistrâ facere, quippe qui iunguento quodam partes eas oblineret, quas ab igne salvas vellet.* Idem Pierius huc refert, quod tradit Andreas, Græcus Medicus antiquissimus: *Si quis Salamandæ sanguine vel manus vel vestem obunixerit,*

^{quod}
ζ) Hierogl. l. 16. c. 25. η) l. 7. cap. 2. hist. nat. θ) Polyhist. c. 5. ι) L. 5. Geograph. κ) lib. II. ΑΕΓ. λ) l. 5. μ) de Myst. Ægypt. ο) l. 16. c. 25. ξ) in Aeneid. l. II. ο) l. c.

quod oblitum fuerit, ab igne nihil quicquam lædi. Desumfit hæc Andreæ verba Pierius ex Græco Scholiaсте Nicandri, ω) ex quo etiam Langius descripsit. ε)

§. 24. Aliam responsonem adhibet Pererius: σ) Quod, ait, de Vatis Egyptiorum à Jamblico, & de familiis Hirpinorum à Plinio traditum est, est vel fabulosum, ut per multa id genus miracula, vel ministerio & opera Dæmonum illud fiebat, quorum commercio & societate novimus Vates & Sacerdotes Gentilium effusos. Verisimilius postrius esse ex eo discas, quod Jamblichus τ) dicit, accidere hoc Prophetis Egyptiis, DEo intus afflante, qui repellat ignem. Et Strabo υ) dicit, quod Hirpini illæsi super ignem incedant κατεχόμενοι υπὸ δαιμονος, correpti a Dæmone. Qualem autem hunc, nisi malum genium fuisse putes. Delrio ita confirmat: Φ) Possunt Magi impedire ignit activitatē, &c. En Simiam DEi Diabolum, qui semper miracula divina simulat. Sicut enim sancti perfidem (ut ait Apostolus χ) impetum ignis extinxerunt: Sicut Deus Martyres suos in mediis ignibus salvos præstítit, ita Diabolus in instrumentis suis DEum imitari satagit. Sed res dolo non caret. Delrio, cuius testimoniū hac in rem ultum tribuo, sic rem declarat: Sequitur-Dæmonem, non posse sic impeditre actionem agentis naturalis, quod habeat omnia ad agendum requisita, sed duntaxat id posse indirectè, & medio aliquo artificio, & medicina, sicut faciunt homines, videlicet i. adhibiti contraria causa, quæ alterius causæ vim exerci impedit. Lege & reliqua apud eundem. His adde Coqueum ψ) & Benedictum Pererium, ω) cuius verbis notatu dignissimis concludimus hanc differentiationem: Potest autem Dæmon hominem conjectum in ignem multis modis servare ab incendio. i. restinguendo ignem, cum procul ab eo flammā repellendo: Præterea clam subtrahendo verum ignem, & in eius locum alium simulatum ignem substituendo: Ad hoc, subducendo hominem ex igne, & inibi simulacrum ejus relinquendo: deniq; circumponendo illi corpus aliquod frigidissimum maximeq; resistens igni, quo videlicet hominis corpus ab incendio, ad aliquod tempus, defendi & servari queat.

τ) Schol.in Alexiph. n. 74. p 65. edit. Aldi. ε) Epist. Medicin. l. 1. Ep. 66. & l. 2. Ep. 4. σ) Perer. in Daniel.l.c. τ) l. c. υ) l. c. φ) disquisit. Mag. l. 2. quest. 20. χ) Hebr. II. c. 34. ψ) ad Augustin.de C. D. l. 21, c. 6. ω) in Comment.iu Dan.c.4.l.e.

ΕΠΙΜΕΤΡΑ.

1. Alchymia, cuius nomen minùs rectè nonnulli deducunt à Chamo filio Noachi, non prorsus est figmentum, neque illicita.
2. Quod Principes Christiani intra modestiæ terminos se continuerint, & nullus eorum hactenus, Monarchiam super cunctos Christianos populos sibi conservare potuerit, ex superioritate Romani Pontificis armati factum esse, inepta est assertio F. Th. Campanellæ, reclamantibus historiis; Illa v. etiam impia, Principes Christianos meliores esse, hanc ob causam, quod vivant sub armato Sacerdotio: Reges autem Israeliticos impios plerosque fuisse, quod non metuerint sibi ab inermi Sacerdote.
3. Mediocribus mandandi sunt honores magni, iisque temporarij. Arcanum hoc omnibus Rerump. speciebus maxime proficuum esse, historiæ testantur.

SOLI DEO GLORIA!

